

ወወዝ ብጽኢ ወቅዱስ አቡነ ባስልዮስ፡ እብ ሙናሰበት በዓል ፋዘን



ብጽኢ ወቅዱስ አቡነ ባስልዮስ ካልኣይ - 6ይ ፓትርያርክ ወርእሴ ሊቃነ-ጳጳሳት ኦርቶዶክስ ተዋህዶ ከኒሱት ኤረትሮፕ፡ እብ ሙናሰበት በዓል ፋዘን ወወዝ አሰመወ።

አቡነ ባስልዮስ እት ልእኩቶም፡ ዲብ ዐድ ወካርጅ ለኩባሮ ሙእምኒኑ፡ ዲብ እስብዳልያት ወካኖት ሰራይ ለህለው ሐማይም፡ ዲብ ዓቅቢት ወጠን ወዐማር ፍፋራም ለህለው አንፋር ቅዋት ድፋዕ ኤረትሮፕ ፡ ወእብ ዓመት ክሉ ሽዑብ ኤረትሮፕ አሰናይ እትለ በዓል ኦብጽሐኒ ዲብ ልብሉ ትምኒቶም ሰኔት ሸርሐው።

ክም መዋዋኒን ኦርት ቀልብ ወሐቱ ዘዐት እንዲ ገብአን ረቢ ለፈትዩ

ወዐድነ ለትሐዝዩ ሰኔት እግል ንሕሰብ ወንፍዐል ልእኩቶም ለካለፈው አቡነ ባስልዮስ፡ ሰባት ቀዳምያም ወእማነት ሹህደ ዲብ ነዕቅብ፡ ዐድነ ዐድል ለትመደደ እት ዱለት ዋውር እግል ትግበእ ወእብ ዐዋዲ ሰኔ ለትትመረሕ እግል ኒደዩ፡ ዮመ ክመ እት ማሌ እብ ውሕደትነ ወውፋቅነ ሕበር እግል ንክደም ትፋነው።

ብጽኢ ወቅዱስ አቡነ ባስልዮስ እት ደንገብ፡ ናይ ደያናት ዓያድነ ሕድ ለእንሰዴ እቱ፡ ሰበት ቱል ግድግም እግል ነኦርትዕ ወገሽ እግል ንትከበት፡ ለሐመው እግል ንዕደድ ወለሐዝወው እግል ነኦዳፍእ አትፋቀደው።

ርኢስ ኢሳያስ አፍወርቂ እብ ሰብብ ውፋት ብጽኢ ዎ ቅዱስ ጳጳስ ፍራንሲስ ልእኩት ሐዘን ነድኦ

ርኢስ ኢሳያስ አፍወርቂ እብ ሰብብ ውፋት ብጽኢ ዎ ቅዱስ ጳጳስ ፍራንሲስ ዲብ ካትብ ቫቲካን - ካርዲናል ፔትሮ ፓሮሊን ልእኩት ሐዘን ነድኦ።

ርኢስ ኢሳያስ እብ ሰሜት ሽዑብ ወሕኩመት ኤረትሮፕ ክምሰልሁመ እብ ሰሜቱ ዲብላ ነድኦዩ ልእኩት፡ እብ ወፋት ናይል እግል ክድመት እንሳንዩት፡ እብ ፍንቱይ ህዩ እግል ተሀመሸው ጀሃት እዲነ ዐዳለት እጅትማዕዩት እግል ተሀሌ ታመት ሐያቶም ለሰበለው ብጽኢ ወቅዱስ ጳጳስ ፍራንሲስ ሐዘን ዛይድ ክምሰል ትሰመዐዩ ሸርሐ።

ርኢስ ኢሳያስ እንዲ አትሉ፡ ዲብ እል ናይ ሐዘን ኢነት፡ እግል ካርዲናላት፡ ከህናት ወእግል ክሉም ሙእምኒን ሮማይት ካቶሊካይት ቤት ክስታን እዲነ ኤማን ተምነ።

266ይ ሮማይት ካቶሊካይት ቤት ክስታን እዲነ እንዲ ገብአው ከድሞ ለዐለው



ብጽኢ ወቅዱስ ጳጳስ ፍራንሲስ፡ ዲብ ዮም 21 ኦፕሬል ዲብ 88 ሰነት ዕምሮም እብ ሕማም ትወፈው።

ወድ ኦርጅንቲና ላቶም ጳጳስ ፍራንሲስ፡ ምን ክፍለትለ ሐልፈ ወርሕ ፌብሩዋሪ 2025 እብ መኦረር ሽብእ ዲብ ሕክምነ

ልትራዕው ከም ጸንሐው ልትኦመር።

ጳጳስ ፍራንሲስ፡ ዲብ ወርሕ ማርስ 2013 እግል ጳጳስ በነዲክት 16ይ እንዲ በደለው ሮማይት ካቶሊካይት ቤት ክስታን ዓለም እንዲ ገብአው ከም ትሸዩመው ልትዘር።

ጋሽ-በርኩ፡ ወጠንያይ መሕበር ሽባብ ወደረሰ ሳምን ሽባብ ነዝም

መሕበር ወጠን ሽባብ ወደረሰ ኤረትሮፕ ፈሬዕ አቅሊም ጋሽ-በርኩ፡ ሳምን መትነዝም ሽባብ እግል ትደቀብ እብ ሰርግሉ ለሀላ ወራታት፡ ሳምን ሽባብ እብ ደረጃት ምዴርያት ወደ።

ዲብ “ሐለትነ መትነዝም-ወፋእየትነ መትነዝም” እብ ትብል ሰቅራት ምን ዮም 5 አስክ 12 ኦፕሬል ዲብ ምዴርያት ድጌ፡ ከርከበት፡ ሰልዐ፡ ፎርቶ-ዋው፡ ሀይትተ ወባርንቶ፡ ለገብአት ሳምን፡ ዲብ ለትፈናተ መጃላት ለሸቁ ሽባብ ወደረሰ፡ እት አደቃብ መትነዝም፡ እንዲ ረከዘ ለትሰርገለ አሸቃል ለሸሬሕ በራምጅ ቀደመው።

መስኡሊን ወካይል ማሕበር ሽባብ ወደረሰ እት ምዴርያት ዲብ ካለፈው ልእኩት፡ ለኢትነዝመው ሽባብ ዲብ ናይ ናሶም ልግበእ ወድዋሮም ለሀሀሌ እግሉም ዶር ወተኦሰር አክለ ሐለት ለንዝምት ሰበት ኢትን፡ መትነዝም ሽባብ እግል ልትደቀብ ለሰዴ በራምጅ አውለውየት እንዲ ትሀየቡቱ ልትከደም እቱ ክም ሀላ ወፍገራት ሰኔት ክም ትረከበት ምኑ ሸርሐው።

ናይ ዶሉ መስኡል ፈሬዕ መሕበር ወጠን ሽባብ ወደረሰ ኤረትሮፕ አሰይድ ማርቀስ ግርማጼን እብ ጀሀቱ፡ እትሊ ሐዳረት ሽባብ ወሙጅተመዕ

እብ መጅብል ዲብ ሽባብ ለሰብቀ ፈሀም ወኦምር ለልትቀየስ እቱ ዘበን፡ ሽባብ መትነዝም እንዲ አተረደው ምህናት ወኦምር እግል ልትዐንደቀ ወናይ ሰያሰት ፈሀምም እግል ለዓቡ ኦርደት አዋፍሐት-ለኢጸኔሕ ዳይ ክምቱ እንዲ ሐበረ፡ ለሳምን- መትነዝም እንዲ አደቀበት ዶር ሽባብ እግል ልትወቀል ለኦመመት ክም ተ አፍሀመ።

ዲብ መናሰበት፡ ሙደራእለ ምዴርያት በራምጃት ማሕበር ሽባብ እግል ልትወወት ዶርም ክም ቀድሞ ለኦክዶ እት ሀለው፡ ዲብ ሳምን እብ ሸክል ጅግረ ዲብ ገብኦ በራምጃት ለትወተው ጀዋእዝ ተሀየበው።

መዐልዲ፡ ህድግ እብ ክሱስ ተዐሊም ገብእ

እት ምዴርያት ዐድተከሌዛን- እዳረት ደዋይሕ መዓልዲ፡ በራምጅት ተዐሊም እግል ልትደቀብ ጅህድ ሕበር ከም ለኦትሐዜ መስኡል ፈርዕ ተዐሊም አቅሊም ዐንሰበ እስታዝ ክፍላይ ዐንደሚካኤል ሸርሐ።

ምስል ደረሰ፡ ልጃን ዋልዴን ወጅሃት እዳረት እት ወደዩ ህድግ፡ ደረሰ ምን ድዋራት ግምጩይ ወደገጊት ፍንጡር ለመጽኦ ሰበት ቶም፡ ሕበር ፍንቱይ ከም ለኦትሐዝዮም ለሐበረ እስታዝ ክፍላይ፡ መጋድዕ አፍሱል፡ መሰከብ ሙደርሲን ወኦሳሲ ኣላት እግል ልርፎ፡ ልትከደም ክም ሀላ አብርሀ።

ሙዲር መድረሰት መኣንብታይት፡ ወምግባይት ደረጃት እስታዝ ኣድም ፍኑክ እብ ጀሀቱ፡ በራምጅ ምህሮ እግል ልፍየሕ ወክሉም ዓማርም ለተመ አጀኒት ዲብ ዐግሎ ተዐሊም እግል ልሻርት አትፋዛየት ክም ወዱ እንዲ ሐበረ፡ እትሊ ወክድ እሊ ብዝሐ ደረሰ 507 ባጽሕ ክም ሀላ ሐበረ።

ምን ናላይ ወክዋክን ዝያድ 10 ኪሎምትር እንዲ ጌሰው ለመጽኦ ደረሰ ክም ሀለው እንዲ ሸርሐ፡ ሪም ደገጊት፡ ህዳይ ሰነት ኣዳም ለኢበጽሐየ ወለኢተመት ብንዩት ትሕዩት ምህሮ ምን ኣግደ መታክል ክምቱመ አፍሀመ።

መሻረክት አዋልድ አንሳት ዲብ መኣንብታይት ሸባህ ምንማተ፡ ዲብ ምግባይት ደረጃት ሳኪን ከም ትነቅስ እንዲ ሸርሐ፡ እሊ እግል ልርተዕ ምስል መስኡሊን እዳራት ደዋይሕ፡ ሽዑብ ወሰብሸርኩት ከም ሸቁ አፍሀመ።



ሰሚናራት ጃልያት ኤሪትሮፖን እት ለትፈናተ ቃ'ራት

ጃልያት ኤሪትሮፖን ሰነን ፍራንክፈርት ውርንበርግ -ጀርመን፡ ካይሮ-መሰር፡ ጅደ -ሰውድዮ፡ አክላንድ -ኒውዚላንድ፡ ክምሰልሁመ ላንካስተር ወሳንድዬጎ -አሜሪካ ለትፈናተ ወራታት ተጀመ-ግብረ ሰርገለው።

እብ አሳሰለ ምን ክል አካን ለበጽሐተነ ሐብሬ፡ ልጅነት ወጠን ኤሪትሮፖን እት ጀርመን እት የም 5 አፕሪል፡ ወካይል 26 መዳይን ለሐድረወ 4ይ መ-እተመረ እት ፍራንክፈርት ወዴት።

መስኡል ተንፊዚ ሰፋረት ኤሪትሮፖ ዲብ ጀርመን አሰይድ የውሃንስ ወልዱ እት አስመዐየ ከሊመት፡ ተጀመ-ግብረ አሳሰ ትሩድ እንዴ ከረ አሰክለ እብ ሻፍንት ለልሄርር ዲብ መርሐለት ዕዱይ ክም ሀለ እት ለሐብር፡ ወጠንያይት ልጅነት እት አትመቃርሐት በራምጁ ለነስአተ ገበይ ሸቅል ወስታት ሐመደ።

ርኢስ ልጅነት ወጠን ጀርመን አሰይድ የውሃንስ መብራህቱ ተቅሪር ክልኤ ሰነት እንዴ ቀደመ፡ እት አትሳናይ ሀይከል ተንዝም ወአደቃብ መትዝም ልትሸቁ ክም ሀለ አብረሀ።

እት የም 13 አፕሪል እት መዳይንት ኑርንበርግ እት ገብአ ሰሚናር ህዩ፡ ቁንሰል ዓም እት



ፍናክፈርት አሰይድ ክብረአብ ተኸሰቱ፡ ሸዐብ ኤሪትሮፖ ውሕደቱ፡ ምስንዮቱ ወሰላሙ እንዴ ዐቅብ ወሰያደቱ እንዴ አድመ፡ አሰክ ዐማር ወጠት ዲብ ብንስ እት ለሀለ ኢነት፡ መርበዩ እግል ለአበድሉ ለገብእ ደዓያት ዱብኢት እብ ፈዛዐት ታብያቱ ወአፍሸሉቱ መርሐለት ለትጠልቡ ጋር ክም ቱ አፍሀመ።

መስኡል ቅደይ ጃልያት ወገቢል አሰይድ ጠዓሜ ሀይሌ እብ ጀሀቱ፡ መሸርዕ መድረሰት ቦርዲን አፋምየ እግል ልትዐወት ዶር ክል መዋጥን እግል ሊዚድ አተንበሀ።

እሊ መስል ሰሚናራትመ፡ እት መዳይን ፍራንክፈርት፡ ኬለን፡ ዱዙልዶርፍ ወማንሃይም ክም ገብኡ፡ ምነ አካን ለበጽሐተነ

ሐብሬ አክደት።

እብ ጀሀት ብዕደት፡ ኤሪትሮፖን ሰነን ጅደ-ሰውድዮ፡ ልጅነት ሐዳስ እድንያይት መድረሰቱም እግል ልሕረው አጅተምዐው።

ዲብ ቁንሰል ኤሪትሮፖ ዲብ ጅደ አሰይድ ዐብዱራሕማን ዐ-ሰማን ለሐድረዩ መናሰበት፡ ለሐምስ ሰነት ሸቁት ልጅነት መድረሰት ተቅሪር ክም ቀደመት፡ ልጅነት ሐዳስ ተሐፊት።

እሊ ክእነ ዲብ እንቱ፡ መሕበር ወጠን አዋልድ አንሳት ኤሪትሮፖ ፈሬዕ መስር፡ ዲብ የም 12 አፕሪል ዲብ ወደዩ ሰሚናር፡ ነፈር ውቅል ልጅነት-ተንፊዝየት ወመስኡለት ፈሬዕ መሕበር ወጠን አዋልድ አንሳት አቅሊም ግብለት በሐር ቀየሕ አሰይደ ሰዕድዩ ኢብራሂም፡ ክምሰልሁመ ርኢስት

መሕበር ወጠን አዋልድ አንሳት ኤሪትሮፖ ዲብ መስር አሰይደ ክልቱም አደም፡ ዲብ ሓድረት ሓለት ኤሪትሮፖት አንሳት ዲብ መስር ለአተንክብ ሰሚናር ወደዩ። ዲብ መናሰበት፡ መስኡል ተንፊዚ ሰፋረት ኤሪትሮፖ ዲብ መስር አሰይድ አማን ዐብደልዋሴ ሓድር ዐለ።

እት ወራታት ብዕድማ፡ ጃልያት ኤሪትሮፖን ሰነን አክላንድ - ንውዚላንድ፡ ዲብ የም 6 አፕሪል እት ወዴቱ እድንያይ መሀረጃን ዓዳት፡ ምስል ዐድነ ለልአትአምር ጽብጥ ቀደመት።

ርኢሰላ ጃልያት አሰይድ ሀብተሚካኤል አብረሃም ዲብ ቀደመየ ከሊመት፡ ለትቀደመ ጽብጥ ውሕድ'ታ ጃልያት ወምስል

ዐደ ለህሌት እለ ዕላቀት ለለአርኤ ክምሰልቱ ሸርሐ።

ኤሪትሮፖን ሰነን አሜሪካ ህዩ፡ ዲብ ላንካስተር - ፊላዴልፊያ ናይ መንጠቀት ወዕለ ወጠንያይት ልጅነት እብ ደረጃት ፈሬዕ ንኡሽ ወዱ ዲብ ህለው፡ ወጠንያይ ምጅልስ ኤሪትሮፖን-አምሪካዩን ግብለት ምውዳቅ ጸሓይ ህዩ፡ 12ይ ወዕላሁ ዲብ ሳንድዬጎ -ካሊፎርኒያ ወደ።

መስኡል ተንፊዚ ሰፋረት ኤሪትሮፖ ዲብ አሜሪካ አሰይድ ብርሃኔ ገብረሂወት እት አስመዐየ ከሊመት፡ ክሎም አንፋር እብ ፍንቱይ ህዩ ሸባብ መትዝምም እንዴ አደቀበው፡ ዲብ አውረሶት ቅየም እንዴ ረከዘው፡ እግል መጽእ ተሐድያት እብ መርሐለት መርሐለቱ እግል ልጋብሆ ትወሰ።

ቃጨር ጭብ አፍሱል እብ መባደረት ቅዋት ድፋዕ ወሸዐብ ልትወሰክ



እዳረት አቅሊም ጋሽ-በርከ ምስል ውዛረት ተዐሊም እንዴ ትዓወነት መሐገዝ ወጭብ አፍሱል እግል ተአቅልል እብ ነስአ ለህሌት መባደራት፡ ዲብ ምዴርየት ገሉጅ -አዳረት ደዋይሕ ቃጨር አፍሱል ልትወሰክ ሀለ።

ለእብ ሰዳይት አንፋር ቅዋት ድፋዕ ልሰርገል ለሀለ ሸቅል

ለጸንሐ መሐገዝ ለለአርሄ ሰበት ቱ፡ ሰነን ወክለን ለከሰሰን ጅሃት ሕበር ከድም ክም ህለው ወኪል ኤሪን ሐበረ።

ቃእድለ ዲብ በራምጅ ፍርርት ለህሌት ውሕደት ወመስኡለት ማሕበር አዋልድ አንሳት ዲብ እዳረት ደዋይሕ እብ ጀሀቱም፡

አህምየትለ ሸቅል እምር ሰበት ቱ፡ ሸዐብ ወአንፋር ቅዋት ድፋዕ እግል ልሰርገል እብ መትሰባል ሸቁ ክም ህለው ሸርሐት።

ሰነብ እብ ጀሀቱም፡ ለሸቅል ትአምርተ ናይለ ፍንጌ ሸዐብ ወዴሽ ለህሌት መዓወነት ክምቱ አፍሀመው።

እግል ምሕርቦት ምስኩናም ሐርብ ለትገብእ ሰዳይት ለልትሐመድ ዶር ክምቡ ተሐበረ

ዲብ ዐድነ፡ እግል ምሕርቦት ምስኩናም ሐርብ ለትገብእ ሰዳይት ሰሉፍ ወፍገሪት ለተአትናይት ክምተ፡ መስኡል መሕበር ወጠን ምሕርቦት ምስኩና ምሕርብ ኤርትሮፖ አሰይድ ፍሰሃዩ ተሰፋሚካኤል ሐበረ።

መሕበር እት ሰነት 1993 ክም ተአሰሰ፡ እግል አንፋር ምህናት ጸራብ ሐጺን፡ ዕጩይ፡ ቴክኖሎጂ ኮምፕዩተር፡ ሰዋገት መኪነት፡ ድራውሊኮ ውበዕድ ክም አድረሰ ለሐበረ አሰይድ ፍሰሃዩ፡ መበገስ ለገብእ እግሎም ሰዳይት ግሩሽ እግል ልርከየ እብ አሳሰለ ፈግረ ስታት ህዩ፡ እግል ዝያድ 6 አልፍ እብ ገበይ ሰሉፍ ሐድ 176 ሚልዮን ናቕፈ ክም ሀበ ወ 26 ምእታይት ምኑ ክም አቅበለ አፍሀመ።

በራምጅ አትሐደርትመ ክፋል ናይለ መሕበር እብ ሰዳይት ሕክመት ወመሻቂቱ፡ አንፋር አርወሐቶም እግል ልቅደሮ ለገብእ ጅሀድ ክምቱ ለአሸረ አሰይድ ፍሰሃዩ፡ ለመድ በሊስ ሰሉፍክ እት ሻፍንት ትጠወረ ምን ገብኡ፡ ለበክት ዲብ ኩሎም አንፋር እግል ልትባጻሕ ወፍገሪት እግል ልሀብ ክም ቀድር አፍሀመ።

አንፋር መሕበር ዲብ ከደማት ዓፍየት ለ 70 ምእታይት እብ መሕበር ክም ልትደፋዕ እግሎም እንዴ ሐበረ ህዩ፡ መዋመጦር እሊ - እብ ፍንቱይ ሕክምን ዕንታት ወናዙር ምን ቅሩብ እግል ልርከዩ፡ መሕበር ምስል ዲብ ኖርወይ ለህለው አንፋር እንዴ ተዐወነ አላት ዋወር ፈሐስ ወመአሰሰት -ናዙር ዲብ አስመረ ክም አትዳለ

ሐበረ። መሕበር ዲብ ለትፈናተ ድወል ምንለ ህለው አንፋር ሕሱራም ጅሃት ዲብ ለትፈናተ መሻሬዕ ለልውዕል ዝያድ 6.7 ሚልዮን ናቕፈ ሰዳይት ግሩሽ ክም ረክበ ለሐበረ አሰይድ ፍሰሃዩ፡ አንፋር መሕበር ዓፍየቶም እግል ልዕቀቦ ለልትነፍያ እብ ዐውል 250 አልፍ ዩሮ ዋወር መራክዝ ጂምናዝዩም ዲብ መዳይን አስመረ፡ ከረን፡ መንደፈረ ወባረንቶ ክም ፈትሐ አከደ።

መስኡል ቅስም ተንዝም ወሐብሬ መሕበር አሰይድ መሐመድ-ኑር እድሪስ እብ ጀሀቱ፡ አንፋር መሕበር እብ ሸዐብ ወሕኩመት ፈድል ለገብአት እግሎም መራዐየት፡ ዲብ ለሐሰት ሐለት ክም ህለው አከደ።

እፈትርየዐጸዳክ

ክል አርቡዕ ለትጠ'በዕ ጀሪደት

መዳልያይ፡-

- መሐመድ እድሪስ

ለይአውት ወአርተዖት

* ዘህረ ዐሊ

* ፋጥነ አድም

ተለፎን፡ 121797/201820 (258)

ፋክሲ፡127749፡ ዕ.ሰ.ቡ፡ 247

ተውዝዕ ጀሪደት፡

ተለፎን፡163471-07588045

አትአመሮት፡

ተለፎን፡ 125013፡ ዕ.ሰ.ቡ፡ 1284

13^ይ ክፈለ

ምን ሰዓብ ወሰር ሐክ፡ ፈጽሞት ሐቲ ዶላ

አነ ወቃእድ ፈሰለትነ ሰዓድ አብራሂም አሰር አሕድ ቱር ቱር እት እንወዴ ቀበተ ቀዘይፍ እግል ሽበት አሰክለ ምክሩህ ወደግ ቀደም ሕዋጠትነ፡ ለፍንጌ ክሊነ ወድቀት ቃዘፈት ሰርጂንቲ ሰዓድ አብራሂም በርደን ወሰላመ እት ገብእ ምነ፡ አነ ምውዳቅ ህቲመ ለምስልዬ ዐለ እንዴ ኢደሊዬ ምንኬን ጸድፍ ምርት ወደቅኩ፡ ለእት በዐት እንዴ ገብአ እብ ከላሽን እብ ኪስ እንዴ ትማሰለ ልትሐረብ ለዐለ መናድል አብራሂም ጉንዲዩ ቅሩብዬ ሰበት ዐለ ምነ ምውዳቂ እንዴ ኢለአትዳግማኒ ሀረሴኒ ከአተ በዐት አቲኒ ምን፡ ህተንመ እብ ሻፍግ እግለ ምውዳቅዬ አሰክ ትትሐፈር አዝለመየ እት፡ ዝላም ረሐመት እንዴ ኢትገብእ ዝላም ዐዛብ፡ እሳት ቀዩሕ እበ ክምስል ትትሐፈር ወደያህ፡

ሓምድ መሐመድ አዜመ አርወሐቱ እተ እንዴ ኢፈርህ እግለ ውድቀቼ እብ ክልኤ ዕንቱ ለርአ እግል ምርት እንዴ ኢልአትጋሚ “አቅብል፡ ተወዝ ኢትወዴ” እት ልትብህል፡ እምበለ ልቡ ቤለዩተ እንዴ እቱ ፈርህው፡ አማውር እንዴ ሻረፈዩ እግል አፍገሮቹ እምበል ጎማት ወአትጋማይ እብ ሰዐይ ሓዋር ወዋሕር እት ልሰዔ እግልዬመ ክምስለ እግል ሽሂድ ዐሊ ዘረ ወደዩ፡ ምን መለገት አፍገሬኒ፡

አይወ! ምን መለገት ለኢፈግረ ሓምድ ወድ አፍባቡት! እግልዬ ወእግለ ሳምን ምርዒነ ለዩአዶረ ዐሊ ዘረ እግል ምርትነ ለጣህር ጀሰዱ እት ለአፈግር፡ እግልዬ ህዬ አሰክ እለ እብ ሐያት እግል አተላሌ ወሄርር ሐቆ ረቢ ልዕግድ ምርት መክለቅ ህቱ ዐለ፡

እንዴ ልሰዔ እብዬ ህዬ ወምን መክተፋ እንዴ ይእትከሬ እብ ህለዮት ዐሊ ትሰአልኮህ፡ ወቅት ሰአል ወአሰአሎት ላቱ ኢኮን ለዐለ፡ ላኪን ትንፋሰ ሐቆ ገርብ ኢትፈንተ፡ ላመ እቡ ልትሰአሎ ወለ እተ ስድት ኢነት ዐሊ ቱ ለዐለ፡ ክምስል መስኡል መሐብራይ ወሚርሓይ፡ ቃይድ መክዋጣይ፡ ሬፍዓይ መዐነዊያት ለሐጠሩ ፍንቱይ፡ ወዕቩር ክሊነ እግል ህጅኩ እት ስምጡ እንገንግእ ዐል፡ ክምስል አብ ወሐ ዐቢ፡ ለተውጃሃት ምኑ ትትጸበር፡ ሕነ ሐቆሁ ክምስል ዕን ዕውር ገብአት እትነ ሓለትነ፡ ክል ምርት ከፍዩ ፍንቲት ክልቀት ወጠብዕ ህለ እግል፡

ሓምድ ቀይሕ ክልኤ ዕንቱ እግለ ሀንደሰትነ ቲክላሙ ለዐለው አልቃም እት ልትደገግ እት ገኔሕ እበን፡ ክልኤ እግሩ ለህት ኢለአምረ ወትዐብኩ ለኢብለ ልሰዕ ልሰዕየ እብዬ ዐለዩ፡ ሀንደገት ልቡ እብ ነዳይቱ ለእግልዬ ራፍዕ እተ ለዐለ ድግ-ድግ አክል አሕድ ትትሰመዕ ተ ለዐለት፡

እተ ሰአልዬ ክርንቱ እብ ተዐብ ወግብእ እት ትትቃረጭ “አብሸርክ መዐልም!! ዐሊ ላቱ ገበይ ዲማሁ

ጌሰ” ቤሌኒ፡ ከንዶእ ሰልፍ ክሉ አነ ርኢሁ ምንመ ዐልኩ፡ ገርብዬ እብ አከይ መስእሉ ለሐክት ገብእ ምንዬ፡ ለጸውረኒ ለዐለ ሰነቼ ወመልሀይ አማንዬ፡ ለበዲር ጸብረ ለዐልኮ አርወሐት ሽሂድ ዐሊ ዘረ፡ አዜ ምን አፍ ሓምድ ክምስል ሰምዐኮህ አትሐደሰት እቲ፡

ሓምድ እግልዬ እት ነደዩቱ ራፍዕዬ እት እንቱ እት ክርንቱ ክምስለ ሰምዐኮህ ሽዑር ሰፈላል ወሰርቤብ ትብዩን እግልዬ፡ ላመ ዶል እብ ረአሰነ ሕኒን ልብል ለዐለ ቀዘዩፍ ወሃውናት፡ ምስል ዋለግ ብሬናት አባይ ወዶል እት ድዋራትነ ወድቅ፡ ሰበት ዐለ፡ ደሐን ነፍሰነ ልሰዕ እት ክልኤ ጋብአት እት እንተ ቱ ለእግል እለ ንትባለሰ ለዐል፡ እለ ስድ እለ ክሉ እህትማምዬ እበ ቀደም ሐቱ አምዕል፡ ሽሂድ ዐሊ ልብለ ለዐለ ትፋቀድኩ፡ “አነ ሐቆ አስተሸህድኩ” ለትብል ዘዐት እት ገጽ ገጩ ትባጠረተኒ፡ ሚ እግል ትዴ ላኪን አምር ረቢ ሐድረ፡ አምዕል ሐቱ ተ ወአሰባብ ብዞሕ ለትብህል፡

(እት ዐጋም ለትጸገዐት ቅልንቃል እት ነብዕ ትነብር) ልቡለ ሰብ መስል ለመሰላተ ጸብጠተነ፡

ምስል ግዋሬ ሱእ ለትጋወረ ገቢል መሳልመ ክል ፈጅር ከሕሩይ ወፋርሰ አማማሙ እት ቀብር ነብር፡ ፡ እት እብል እብ ደሚርዬ በኬህሁ፡ ብካይ ፋርሰ ወሓዋር ለእብ ተእሪኩ አጅያል ለአሸኒ፡ አይወ! ለሳምን እንዴ ኢለአደውር ወልብሰት ዐሸሉ እንዴ ኢለሐጽብ ለአስተሸህደ ወፍራሰ ገቢል ለአግመለ ፋርሰ አማን ዐሊ መሐመድ አድም (ዐሊ ዘረ)፡ እሰትሽሃዱ እት ዐለት 01/09/1999 ቱ ለዐለ፡

እግል እለ ቅሰት እለ እንዴ እከትብ፡ ሐቆ ዕሰረ ወሐምስ ሐል ለረከብኩ ወድ ፈሰለትነ ለዐለ ተክሌ ቲፈሪ ብሩ (ወዲ ብሩ) ምስል ሪም ወክድ እግል ለአምረኒ ለኢቀድራ፡ ክምስለ ደግመየ እግልዬ፡

“አነ” ልብል ተክሌ ወዲ ቀሺ፡ “አነ አምዕል እሰትሽሃድ ዐሊ ላሊ ወአምዕል በኬኒ፡ ወእሰትሽሃድ አርወሐቼ ትምኒ፡ በደላ ሞተ ፋርሰ ሚሔርባይ፡ አክለ እግል እዝም እቤተ ሐቆ እሎም ፍራሰ እሎም ምን ገብእ ህለ እግልክም ለመርሐክም? ለልብል ሰአል ደሚርዬ በሊስ ኢረከብኩ እግሉ፡ ረቢ ካርዐ ትግበእ ለአምዕል ለህ፡ እቼ በደንዬቱ ወለ እት ክሊነ ከንዶእ? እተ ነሃር ለህ ለእፍቅደ ሀጎጋይ መዐነዊያት ወበቲክ ሰአየት ሰደፈኒ፡ ገዩት ሐሜር ወሕሳባት ሕቡሉክ፡ መንበር እት ረአሰ ምድር ክልኤኒ፡ ላኪን ምንኬን ክል ፋርሰ ከካልእ ፋርሰ ህለ” እት ልብል አዜ ሐቆ ዕሰረ ወሐምስ ሰነት እብ ደሚር ሕዩር ወሰፍሉል ዳገመየ እግልዬ፡ እት ዕለት 26/12/2024 ደግመ እግልዬ፡

ሓምድ ቀይሕ እት አካን ሸንክት ወሕብዕት ሕክምነ ከቲበትነ አብጽሐኒ፡ አናመ ጅረሕዬ ብዞሕ

ዐለ እንዴ ኢኮን እት ቀፋለት ለለአበጽሕ ኢኮን ለዐለ፡እግለ ሽብሃት እብ ዕንታቼ ከለልኮህ፡ ትምኒት ልብዬ እግል ዐሊ ወመሐመድ ዐሊ እምሕቡራም እት እንቶም እግል እርአዮም ቱ ለዐለት! ያሬትለ! ነሃር ለህ ላኪን፡ አነ እጅብረ ዐልኮ እንዴ ኢኮን እግለ ጃርየት ለዐለት ሐቱ ኢቀየረት ወኢበደለት፡ ለክልኦት መልሂት ወመነቲት ንዳል ወእሰትሽሃዶም እት ዕለት ተእሪክ ህተ ትገብእ ለዐቤት ታእሪክዮት ፍንቲት፡ ዐሊ ዘረ ወመ/ዐሊ ሳልሕ መዋ መጦር፡ ልትጋሰው በደል ዐለው፡ እለ ኬልም አምዕል ለህ፡ ለምን ግያሰ ወግሳይ አተካረመቶም፡ መዋመጦር አድሕድ እት ነጋላት አቅመትኮህም፡ እግል ሰሕፍየት ፋጥነ እሰማኒል እንዴ ነቀምኮ ህተ እብ አዚም እት በኬ እቶም፡



ሽሂድ ሓምድ መሕሙድ ዐመር

ትሰአልኮህ፡

ፋጥነ እሰማኒል ለባርህ ወጅህ ሰኒ ጌመት ግልብብቱ እት እንተ እግልዬ ክምስል ሬኤት አናብዕ ሕርመት ወለት እም እትዘሬ፡ ሰኒ ቀርብተኒ ክትፋጠነተኒ፡ እት ነስቅ ህዬ፡ “አይወ! ለፍራሰ ወለመልሂት ወላድ ቶም ዐብደለ፡ ዐሊ ወመሐመድ ዐሊ ቶም” ቲሰኒ፡ እብለ ህዬ ሐቆ መትዘባዋጩ ለአስተሸህደ ቃእድ መጅሙዐት እንዴ ገብእ አቲ ምስልነ ለዐለ ሽሂድ ገሬ ኮከባይ (ገሬ ዐጋሚ) ቱ ክምስል ሳልሳይ እንዴ ትሓበረዮም አስተሸህደ ወእት ጢሾ እሰትሽሃድ ትሐወለዮም፡ እት መቅበረት ሽውሀደ ሰርሐ ናይ ዲመ መስከቦ ጸብጠው፡ እት ግራሆም ህዬ እግል አጅያል ዐድነ ተእሪክ ሐበን ወሕሽመት ሐድገው፡

እተ አምዕል ለህ እግል እሎም ሰልአሰ ሕሩያም እት ነሀይብ፡ ህተን ህዬ አትዳቃብ ለአለቡ 85 ዐስከሪ መቃብሎም ደፍዐዩ፡ ለፍንቲት ብዝሐ እንዴ ኢገብእ ላኪን ለፍንቲት ናይነ ሕሩያም እብ ግብአቶም ቱ፡ ሕሩያም እብ መስኡለዩት ወሕሩያም እብ ሐጠር ሰልሲቶም

ህዬ መስኡለን እብ ግብአቶም እት ረአሰነ ትዐወተው መስለው እትነ፡

ለሐኩራም ለዐልነ አንፋር ጀርሐ ሰኒ ክቡድ ለዐለ ኮፕራል ወዲ መናቱ ለዐለ፡ ወቃእድ ፈሰልት እት ሰሪየት ካፕቱን ዮሴፍ ክብርም ቱ ለዐለ፡ ወዲ መነ እግሩ ቅርጭት ሰበት ዐለት ክልኦት ድርብ ሰቁላም እቱ ዐለው፡ ሕም እንዴ ኢለአፈግር ትም ቱ ልብል ለዐለ፡ እግሉ ክምስል ገንሐኮ እት ሰንዐፌ ሕክምነ እት እንደርሰ ክምእኒ ልብሉነ ሰበት ዐለው፡ ሰኒ ትዐጅብኩ “ምርት እት መዐረከት እግሩ አው እዴህ ለትቀረጨ ለገብአት ህግዩ ኢልትሃጌ፡ ለሰብ ምነ እተ ዐለ ዓለም እንዴ ፈግረ እት ዓለም ካልእ ምርት ዕዱ ምን ሰባራቱ ናቅሰ እት እንቱ ዋጅህ ሰበት ህለ እብ መስተቅበል ሐያቱ ምስል ምስክነ ገርብ እበ ሰቡቱ ሰበት

ለአትሓኬነ አሰክ ዓለ ሐለፍነ፡ ወዲ ማነ ወገብሬ ቆሓይን ወአነ፡ ሰር ላሊ እት ዕያደት ዓለ አብጸሐውነ፡

ምርተ ከ ልቡ ሐቱ ልቡሉ፡ አነ ላኪን እሎም ክልኦት ለክትብዬ አሰተብዴኮ እቦም፡ ሓምድ (አፍዐቡቹ) ወለ ገዲም መቃትል ዐሊ ዘረ እተ፡ እተ ወክድ ለህይ ወድወ ለዐለው ከጠዋት አድሕድ ለመስል ተዋልል እግሉ አንተብህኮ እቶም፡ እግል ንእሽመ ኢነት ምን ባልዬ መትፈንታይዬ እግልዬ አበው፡ ፡ ሕንገልዬ ምስል ክል ፈቀዲቶሆም አምሆለ፡ ዐርገ ወትከረ፡ ክትብ ወመስሐ፡ ሐያት ጠምጠም ሰአንኮ እተ እት ምድረ እት ሄርር፡ ወሸማል ለዐለ እት አተንፍሱ፡ ዐሊ ሐያቱ ምን እዲነ ፍንቲት ዐለት፡ ሓምድ ቀይሕ ላኪን አዜመ ክምስል ክል ዌርሳይ ተእሪክ ሐበን ለታክለ ወራር ዶልተ ክሕብሩ ቃይር ሰበት ዐለ፡ ምን ፍንቲቱ ሀሰኩ፡ ላመ ፍርድ ክምስል ክሉ ነፈር ቀዋት ድፈዕ፡ ፍርዱ እት እዴ ወቅት ክምስል አዳሙ መጅሁል ቱ ለዐለ፡ ላኪን ለደሚረ ዋልዴኑ ለዐሸሉ እንዴ ኢዘፍፍ ጋይሰ ምኖም ለዐለ ወለሐሬ እት ድፈዕ ምስሎም ወድቅ ወቀንጽ ለዐለ ደሚርም ሳክብ የዐለ፡

እብለ ምን ዕለት 1/09/1999 አሰክ ወሬሕ 12 እት ነፍሰ ለሰነት እት ዕያደት ዓላ እት እትሰፈፍ ሐቆለ ጸንሐኩ፡ እተ እቱ ዐልኮ ክፈል ጄሼ 32 ጋይ ብርጌድ 2ይት ከቲበት ቦጦሉኒ ምስል ሽሂድ ገብሬ ሂወት ቆሓይን አቅበልኩ፡ (ምን አራደ አሰላም ፈልይሰተዕድ ልልሐርብ) ልብሎ ዐረብ፡ ክሉ መዳሊት ሓለት ድፈዕ ሐቱ ትመስል ዐለት፡ ለሰብ ህዬ ወያኔ ህንዲዶታት ስዱ ለሓልፍ እግሉ ተአትጋይሰ ወእቡ ትትመሀጽ ወትአትሳቅር ሰበት ዐለት ቱ፡ መዋመጦር ህንዲዶታቶም ቅዋት ደፍዐነ ተዐለም ትክሊጥ ከፈፍል ጄሽ ወአትግዝሐት እብ ዕጽፋት እብ ዛይደት እዴ እት ክሉ መጃል ዐስከሪ እግል ህለዮት ሲያደት ዕንዳቂሁ ሳድድ ቱ ለዐለ፡

እት ድፈዕ ላኪን ምርት ሸእ አነ ለኢእፈትዩ ህቱ ጸንሐኒ፡ ክምስል አዳም ተክሊጥ ለልትብህል እብ ጠቢዐቼ ይእፈቲዩ፡ ህቱ ህዬ አነ እት ካልእ ከቲበት እብ መትቀያርዬ አርወሐቼ ኢፈቱተ እግልዬ ከንዶእ፡ ምን ትብጊሰትነ ሳወ ወሐሬ እግል ክልኤ ሰነት እት ጥዕም ወመራር ምስል መናበረት ድፈዕ ወእሰትሽሃድ ለትሓወልነ ውላደ ሲዕ ለቆሚየት፡ እብ ፍንቱይ እት ሐቱ ሰሪየት ለዐልነ ፍንቲት ምኖም ነፍሼ ኢፈቱተ እግልዬ፡ እብ ዐቢሁ ለዓበውነ ዋልዴነ ፍንቲት ምኖም እንዴ ኢነአቤ አዜ ፍንቲት ከቲበት ወሰሪየት ህተን ሸቀሊያነ ወሰረባበዩ፡ እት ዐሰከሪየት ላኪን ለእግለ ትብህልክ እግለ ትወዴ እንዴ ኢኮን፡ አትጫፋር ወአንጠዋራር መስከብ አለበን፡ እምበል ምራጂ እግለ ለሪይም ወቅት ለጸንሐኮ እተ ሰሪየት ሽሂድ ዐሊ ዘረ ግራዬ እንዴ ሀብኩወ አሰክለ እተ ትቀየርኮ ፈሰለት ትወከልኩ፡

መሰውር፡- አቤል በረከት

ሽላሎ ዲብ እስተቅራር ወመሕደር

እተ ለሐልፈ ወክድ ሐቲ ምን እዳራት ደዋሒ ምዴርየት ጋሹ-ለዓል ላተ እዳራት ደዋሒ ሸላሎ ባጽሐም ዐልነ። እለ እዳራት ደዋሒ አስትቅራሪ ወለ ህለ እተ ከደማት እጅትማዕየት ለከሰሰ ምስል አሰይድ ዑቅባይ ባርዶማኒኤል መስኡል እደራት ደዋሒ ሸላሎ ሃድጋም ዐልነ። ታምም ጽበዋ ዲብ እለ ናይ የም ጥብቦት እንቀድሙ እግልኩም።



አስይድ ዑቅባይ ባርያሚክኤል

እዳረት ደዋሒ ሸላሎ ክልኤ ዐድ ሐበለ ወሸላሎት ለትከምክም። እብ መካሪት ለትትጋውረን እዳራት ደዋሒ እብ ቅብለት ምስል ዐዲ ብግዲ፤ እብ ምውዳቅ ጸሓይ ምስል ደርሰነት ማይ ቀቀሕ፤ እብ ግብለት ምስል ምኩቱ ሸሸቢት ወእብ ምፍጋር ጸሓይ ምስል ዐዲ ሃኪን ወዐድ ተክላይ። ርሒብ አርድ ለትመክ እግል ሐርስ ወርዕኑ ሰኒ ግርም ወውጧተ። እሊ ባካት እሊ ብዙሕ ታሪክ ለቡ ባካትቱ ተኣሲሱ ህዬ ምን 50ታት ለአሰብዲ። ዲብ መደት ሰውረት መ አካን ዐባይ ለዐለት እግሉ ክም ሳሕል ዲብ ከጥ አባይ ከልፍየት(ደጀን) ሰውረት ለዐለ ባክቱ፤ ምን ሰነት 1981 አሰክ መደት ሕርየት አባይ ለኢኬደዩ ቱ፤ ሐቱ መረት ዲብ እንሰሓብ ናይ ባርንቶ ኢሳረተ። ሰበት እሊ ሸዑብ እዳረት ደሕየት ሸላሎ ምስል ሰውረቱ ሐቱ እዳ እንዴ ገብአ እግል ሕርየት ለናደለ ወናይ ሰውረት ሲያሳት ለደርሰ ፋዝሶ ሸዑቡ። እብሊ ናይ ንዳል መሻረከቱ ወመባጥሩ አዜመ መጦር ሕኩመቱ ሰበትቱ እግል ትምርሑ ወተአዲሩ መ ክቡድ ኢኮን ለሀብካሁ አዋምር እንዴ ትከብተ ለክድም ቱ። ብዝሐ ሸዑብ ናይ እዳረት ደሕየት ሸላሎ 940 እብ ዓሊሉት 4200 እብ ትንፋሰ በጸሕ።

ሸላሎ ዲብ ባካት ሕዱድ
አቶብዩ ወመንጠቀት በድሜተ
ለህሌት ከለ ሐልፈ ሕሩባት
ሚ መደረጉ ስምጽኦ እትኩም

**ወዲህ ክእፎ ህሌኩም? አሰይድ
ፀቅባይ።**

ሕገ ሐድራም ሰብ መስከብ ዐልነ ሕክምነ ወመድረሰት ምን ዘበን ሰውረት ዐለ እግልነ፡ እለ መድረሰትነ ህዬ መድረሰት ፍሬ ቃልሲተ ትትበህል፡ ምን ንዓል ለመጽአት ሰበት ገብአት፡ ፡ ምግባይ ደረጀት ተአደርሰ ለህሌት መድረሰትናመ ነቅፈ ትትበህል ዐለት አዜ ህዬ ምድረ- ገነት ብህላመ ህሌነ። እሊ መዳርሰ እንዴ ህለ እግልነ ህዬ ለሐርብ ቀንጸ ወዲብ ወሬሕ 2-1999 ካልአይ ወራር እንሰሓብ ሰበት ሳደፈ ኩሉ ለሽዑብ ዲብ ባክ ባርንቶ ዐዲ ቀሺ ተአከበ ወዲቡ ነብር ሐቐለ ጸንሐ ዲብ ሰነት 2004 ሸዑብ ምነ ለዐለዩ አሰክ ዐዱ እግል ለአቅብል ሰበት ተሐሰቡ፡ ሸላሎ እበ ድምርቱ ለህሌት ማስተር ፕላን እግል ልግበእ እግለ እብ ዐባይ ዐድ ረአይ ሰበት መጽአ ሐትሐቱ ለዐለ እግለ አባይ ለኢአክረቡ እንዴ አተው ማስተር ፕላነ ተመ ወአዳም ዲብ ወሬሕ 2-2005 አቅበለዩ። ከደማት ማይ፡ መዳርሰ ወግፍየት ህዬ ምስል ምጸት ናይ ሸዑብ ክሉ እንዴ ትዳለ ጸንሐ። ምን ሰነን ናይ ሸላሎ ወኬን እዳረት ደዋሐ ዐድ ጸጸር ህዬ ዲብ አርደ ሰበት ኢጌሰት ዲብ እሊ ባክነ እንዴ ገብአት ምስልነ ከደማት እጅትማዕየት ረከብ ሰበት ህሌት ዐድ አሰክ ገይሰ አው ናየ ከደማት አሰክ ገብእ እግለ፡ ምኒነ ትትነፋዕ ሰበት ህሌት ለህለ እግልነ ከደማት መዳርሰ አሰክ ካልአይ ደረጀት፡ ሕክምነ ማይ ውነቅጠት ፖሊስ እክቡዱ ህለ።

ከደግሳ ተዕሊም፦ ፈሃም ሽዑብ
እብ ሰበት ተዕሊም ግሩምቱ ህለ፡
ምስለ ለህለ ናይ ሐርስ ወርዕዮ
ንዋት ዶል ትርእዩ። ለትወለደ
እተ ናይ ተዕሊም ዕምሩ እግል
ልትሰጀል ዲብ ሽላሎ ረውደት
ህሌት፡ ዲብ ረውደት ህዩ ዲብ
እለን ክልኤ ሰነት ለብዝሐ ግሩም
ህለ ምስለ ለሐልፈ ሰኖታት
ዶል ተትራእዩ። ለሐልፈ ወክድ



ሸቡብ ክምመ ለትሐዜ እግል ለአሰተቅርር ቃድር ሰበት አይላ ላመ መሻረከት ዲብ ተዕሊም ክምመ ለትሐዜ አይላትኒ። ተእሲር ናዩ ህዩ መዳርስ ምግባይ ወካልኦይ ደረጀት ሐድ ዐድደ እንዴ ጸብጠዩ ገይሶ ዐለዩ። አዜ ላኪን ሐድ 1600 ለጉብኦ ደረሰ እንዴ ትከበተዩ ለአደርስ ህለዩ። ሰበት እሊ ፊህም ሸቡብ ሰኒ ህለ ምን በዲሩ ዲብ መደት ሰውረት ምን ጠደራት ሐርብ ኦዮብዩ እት



ልትሐበዕ ደርሰ ለዐለቱ፡ ሰባት
እሊ መንፈዐት ተዕሊም ለልኣምር
ወለ ልፍህም ገቢልቱ።

ከደማት ዓፍየት፡- እትለ
ምስልነ ሐቲ መኪነት እስዓፍ
እምቡሳንስ ህሌት እግልነ፡ እግለ
ለገብእ ምን አስዮተ ጎማህ አስክ
ጃዘ ምን ሸዑብ ሰቡቱ፤ ክል
ኔብራይ ናይ እለ መንጠቀት 50
ነቅፈ ነአደፍዑ ወእግለ ለትመረሐ
ለጅነት እንሰልም ወሰኒ ክድመት
እንረክብ ምነ ህሌነ፤ ናይ እማት
ዐመሲ ወለ ረክባህ ከደማት ዶል
እንርኤ ህይ ወክድ ሕርሰን ክም
ቀርብ ዲብ እለ ለህሌት እግልነ
ዕያደት አካን መትጸበሪ ዐመሲ
ባንያም ሰበት ህሌነ ቀደም ሳዑተን
እንዔ መጽአየ ዲብ እለ ልትጸበሪ
ወካፊ ከደማት ረክብ ሐንቲ
ሕክምነ እብ ሰኒ እንዔ ትፈረጅ ህይ
ልትሳረሐ፤ አስክ ዕያደት ለመጽአ

ብዝሓት ምንጦትን ሑዳት ዲብ ቤት ለወልደ ዶል ሳድፈ እግለ ለወልደት ወአውለደት እንዴ ጸበዋነ ዲብ ፖሊስ እንዴ አምጽኣነ ሰበት ነአስር፡ እሊመ ዐድድ ናይለ ዲብ ሕክምነ ለልትፈረጀ ክም ወስክ ዋዲሁ ህለ። ብዕድ ሕማም ህዩ እምበል ሕማም ዋጋል ምስለ ለሐልፈ ከረም ለትርአ ብዕድ ደሐን ህለኑ ሑድ ናይ ደወ ነቁስ ሳድፍ እሊመ ምንዶል እትዶል እንዴ ሰኔ ገይሰ ህለ።

ከደማት ማይ፦ ምን ሰነት
2017 ከዛን መገል ለልትበል
ዐቢ ከዛን እብ መሻረከት ቅዋን
ድፋዕ ወሽዐብ ሰበት ትሸቀ እብ
ናይ አቅሊም መባደረት ምን
ከዛን አስክ እለ ዐድ ለለክፍ
መቶር ወሶላር ሰበት ገብአ
እግሉ ዲብ ምን ለዐል እለ ዐድ
ለህሌት ዕንክለት በሰካት ትሸቅት
ወምን ከዛን ለመጽእ ማይ እንዲ
ትከበተት ቀበት ዐድ ለህለዩ ሱስ
አካናት ተውዚዕ ማሱራት ምን
ሸዐብ ነዲፍ ማይ ሲቶ እብ ሰዕር
ምናሱብ እግል ልርከብ ቃድር
ህለ።

ከደማት	መዋሰላት
ወጸትሳላት፦	መሸክለት ዲብ
እሊ ባካት ለህሌት እግልነ ናይ	
መዋሰላትተ፡ በዲር ክልኤ ናይ	
ሐራት አተቡሳት ዐለየ እግልነ ምን	
ሰየቃት ናይ ሕማም ኮሮን ላኪን	

ህተን መ በጥረዩ፡ ለሰብብ ህዩ ገበይ ሰበት ኢሰኔት ትበህለ ወገበይ ኡዳምን እንዴ ጀምዐን ገሌ ኡሳናይ እግል ንውዴ እለ ጀረብክ ምናተ እብ ክድመት ኡዳም እግል ልሰኔ ለኢቀድር ሰበት ሳይፌን ዶዘራት ጣልባም ህሌን ህተን መጽኢያን ምን ገብእ ናይ ገበይ ሰኣል እግል ልትመምቱ። እሊ መሻክል እሊ እግል ሰኣን ሽላሎ ሌጠ እንዴ ኢገብእ እግላመ ዲብ እሊ ባካት ለህለው ኡስክ ቶጉምብዩ ውበዕድ እግል ሊግሶ ለልሐዙ ኡንፋር ዴሽ መሻክል ጋብእ ህለ። እብ ናይ ብሕቶት ነኣይሽ መካይን ኡስክ ቶጉምብዩ እብ 150 ነቅፈ እግል ጊሰት ወእቅባለት ለከምሰልህ እንደፍዕ ህሌን ወህቱ ክም ሐዘካሁ ለኢልትረከብ ገብእ፡ ሰበት እሊ መሻክልን ሻፍግ ሐል ለሐዘ ህለ። ናይ ተለፎን ከደማት ዲብ እሊ ዐድ እት ገሌ ኡክናት ምን ብዕድ ለመጽኡ ከዋ እንዴ ረከብክ እግል ተኡተሰል ኢገብኡ ምንገብ እግል እሊ ባካት ክድመት ለልሃይብ ታውር ሰበት ኢህለ ከደማት ተለፎን ኢህለ እግልና። ዋርዓን ናይ እሊ ሸዕብ እሊ ህዩ ክልዶል ነኡልፉ በሊሰ ላኪን ርኩብ ኢህላ።

መጽሐ ሐርስ ወርዖቶ፦ ሐርስ ግሩም ህላ እግልነ ክል ሙዋዋን ሄክታር ወክልኤ ሄክታር ክመ ለወጅቡ ዲበ ለህላ እግልነ ጸሊም፡ ቀየሕ ወጸዕደ አርድ ልትሃየብ። ናይ ሐርስ ወርዖቶ ባካት ህይ በን በኩቱ ምነ ዐድ አሰክ ምውዳቅ ጸሓይ ለህላ ንዋይ ለልትርዔ እቱቱ። ናይ ሐርስ ህይ ምን ሸላሎ ግብለት ወምፍጋር ጸሓይ ለህላ እትጃህቱ። እሊ ዲብ ወክድ ሐጋይ ኢጉብአ ምንጉብእ ንዋይ ኢልትፈረር እቱኒ። እሊ ንዋይነ ዲበ ለሐልፊ ወክድ ምስል ሕሩባት ዲብ ሰሪት ገጹ ገይስ ዐለ ዲብ እሊ ወክድ እሊ ላኪን ሳእየት እንዴ ትረከብት ምኑ ምን ጀዲድ አዳም እግል ልትብብ እስብዱይ ህለ።





ለናይ ደንጎበ ወራር (2^ኛ ክፈል)

ጽብሕ ምድር ክለ ለፈሰለት ክምሰል ቅንጽት ምሮ ነፈር ምነ መሳክብ እብ መጋሊት እንዲ ገብኡት ሸንክትለ ኣምዋጅ በሐርነ ነኣተንሴ እቡ ለትምዩነ እትጀህ ኣቅመትኩ። ጸሓይ እስቡሕ ዲብ በሐር ሰኒ ሻፍገት ተ። ምልሕጠት ቀየሕ እት መሰል እብ መሸንገለ ኣወል ወኣክር ለኣለቡ ለመሰል ማይ በሐር ሐውጸት። ለእብ ጽልመት ሕብዕትነ ለትመዩት በሐርነ ህዩ እብ ዕንታትነ እግል ነኣምተ ወእብ ግንሐተ እግል ንትመተዕ ወቅት ኢነሰኣ ምኒኩ። ክሉ ሀምነ ወቀምነ ህዩ ኣሰክ ገብኡ። ኣንፋር ናይለ ዲብ ማርሰ ተክላይ ዕሰክርት ለዐለት ኩቲበት ዲደማን ክቡድ ሰለሕ እንዲ መጽኣውነ “መርሐበ እብኩም ሀንደሰት። ወሚ ኣምጸኣተኩም እንሰር?” እት ልብሎ እብ ገጽ ፋርሕ ወእብ ደኣል ትከብተውኩ። ሕናመ “ኣሰናይ ደሐን ጸንሐኩም ኣንፋር ክቡድ ሰለሕን” እንዲ እምቤ ክምሰል ገሽ ወበዐል ዐድ ገብኣኩ።

ሐቐለ እሉ ወደው እግልነ ሕድርኖት ምድር ክምሰል ሐፍነ ኣሰክ ንትወረብ ምኖም፡ ዲበ በሐርነ እግል ነሐምስ በኩት ተህዩብኩ። በሐር ለለኣምር ምኒነ ሰኒ ሐድ ተ። መብዝሕነ እብ ቅያሰ ኢልደሌ በሐር ዲብ ንትፈክር፡ እግለ ቀለውለው ማየ ዲብ ንትባሸር ወእንበርጭቅ፡ ሰር ዲብ ለሐምስ ወሰርመ ዲብ ለዐፊ፡ ለወክድ ኢተኣመሬኩ። “ኣላ በሐር ምነ ርዝቀ ወኪን ለዓፈሃመ ርዝቅ ዐቢቱ” ዲብ እምብል ዲበ ኣጥራፈ በሐር ኬን ወእንሰር ዲብ ንትመሼ ወእንገንድል ህዩ ለኣምዕል ለሀ ክሉ ረኣሱ እንዲ ኢትትኣመረነ ትክለሰት።

ባኩት ኣልዐስር ክምሰል ገብኣቱ ህዩ እንዲ ትጸብሐኒ ኣዜመ እግለ መርበዩ ለኢደሌነ ሰፈር ብርንቶ ለገብኣኩ። ለፈሰሰት፡ ረኣሰ ኣልቃም ምሉእ ለዐለ ሰናዱቅ መጋሊት ክምሰል ኣጣፊሐት መኪነትነ ዲብ ኬርኃይ ኣለቡ ለመሰል ጋድም ፋዩሕ ምን ማርሰ ተክላይ ሸንክት ማርሰ ጥልያን ግብለት እንዲ ገንሐት ተሀርበበት እብኩ። ለሰፈር ሰኒ ነፍሰ ለተፈትዩ ዐለ። ዕሳስ ዲብ ፈርቅ እብ ጽርግዩ እምር ለኣለቡ ጋድም ኣክለ ትፈተተት እብኩ ሕነ ሕድ ዲብ እንደገና ወንደኣል ዲብ ንሰሐቅ ወንትሃጀክ እብ ግንራሪበ በሐር እግለ ክም ትኩብ ልጣዩም ወልትበርበር ለዐለ ኣምዋጅ በሐር ዲብ ነዐፌ ወእበ ቅያሱ ለኢልትኣመር ፋዩሕ ጋድም ዲብ ንትፈክር፡ እምበለ እብ ጀህት ምውዳቅ ጸሓይ ምን ረዩም ለልትረኡ ሶታይ ኣድብር ለባካት ክሉ ጋድም ወበሐር ሌጣ ቱ ለዐለ። ኣራል ዲበ ርቶዕ ጋድም ክም ምራደ ትትሀርበብ ዲብ ህሉት ለትኩም ጨበል ዲብ ዐስተር ዲብ ልትነፊ እግለ ዲብ መሸንገለ ለዐልነ ሓባርነ ዲብ ሔዋን ምን ኣግባብ ፋግር ኣምሰለዩ። ክሉ ሕድ ዲብ ገጼሕ ልሰሐቅ ወልደኣል፡ መኪነት ገጽ ቀደም ተኣላይም ለኢነኣምሩ ድዋራት በሐሩ ወጋድሞታቱ ዲብ ንትፈረጅ ህዩ ለሰፈር ለሀይ ዝያደት ፈቲናህ።

ጸሓይ ሸንክት ምውዳቅ ክምሰል ትሸልሀተት ወምድር ክምሰል

ዐወድወደ ህዩ ዲበ ግንራሪበ በሐር ክም በጽሐነ እብ ላሊ ዲብ ባኩት ማርሰ ጥልያን ኣልቃም እግል ንድፈን ክምሰል ኣስተብዳናቱ ክሊነ ለትፈክርኩ። ጃሽ ኣቶብዩ ምን ቅብለት ሳሕል ምን ልትገሸሽ ዝያድ ሰነት ወሰር ዋዲ ዐለ። እሊ ክሉ ምድር ህዩ ዲብ ሐንቴ መራቀበትነ ዲብ እንቱ እግልሚቱ ገብእ እብ ኣልቃም እንረጅሙ ልህሌነ ኢተኣመረ እግልነ። ዲብ ኣጥራፈ በሐር ወዲብለ መካይን ከይዱ ለእምቤ ድዋራት ህዩ ድድ መካይን ወኣዳም ኣልቃም ዲብ እንዝርእ ኣምቤኩ። ጽብሕ ምድር ናይ ዮም 6 ኣክቶበርመ እተ ክምሰልህ። እግለ ኣሱርነ ወኣሰሪ መኪነትነ ሐጽር ህጭም ዲብ እንሰሕብ ነኣትማሰሉ ዲብ ህሌናመ ንትፈክር ዐልነ። ዐዶ ለኣለቡ ዲቡ ምድር እብ ክእነ እብ ኣልቃም እግል ንክልቡ ኢትፈረገ እግልነ።

እለ ኣምዕል እለ ምን ማርሰ ጥልያን ኣሰክ ማርሰ ተክላይ እተ ህሌ ድዋራት ክሉ በዋቢር በሐር እግል ልብጠር እቱ ለቀድር ክምሰልህመ ደባብ ወመካይን ከይዱ ለእምቤሉ ኣግቡይ ክሉ እብ ኣልቃም ዲብ እንረጅም ባኩት ኣልዐስር ምን ውዕላም እቱ ለዐለ ባኩት ማርሰ ተክላይ ኣቲኩ። ማርሰ ተክላይመ እብ ድድ ኣዳም ወመካይን ኣልቃም ረጅመናህ።

እትለ ምሴት እለ ለምን ማርሰ ጥልያን ኣሰክ ማርሰ ተክላይ ለዐለ ወቀይነ እንዲ ኣትመምነ ዲበ ዲብ መርሰ ተክላይ ለዐለ ናይ ዶሉ መዐስከርነ እት ነዐይር ምነ ዲደማን በሐር ላተን ደባባት ሐቲ ደባባት ዲብ ተሐራግግ ዲበ ባኩት እግል ትትሐረክ ዶል ኣስተብዳት እግለ መስኦለ ውሕደት ደባባት ግረ እለ ምን እሊ መዐስከርኩም ጀህት ግብለት ሕርክ ኢቲበሎ። ለምድር ኣልቃም እቡ ክሉባሙ ህሌነ” ክምሰል እምቤሉም፡ ለኣንፋር ክቡድ ሰለሕ ዲብ ልትዐጀቡ፡ ከሐረስ በሐር ሕነ ዲብ ሕነ ወእንቱም ጋሻነ ሚቱ እንዲ ይእንደሌ እብ ኣልቃም ምን ከለብኩን?” ቤለው ዲብ ልደኣሎ። ሕናመ ለተህዩቤነ ኣማውር እንወዴ ህሌነ ዲኢኩን እለ ዳልያም ህሌነ ኣለቡ እምቤሉ ወምነ ኣራል ዲበ መዐስከርነ በደድ እምቤ። ምድር ሰበት መሰ ወሕናመ ኣምዕል ወላሊ እብ ግዲደን ዲብ ወራት ደፊን ኣልቃም ፍሩራም ሰበት ዐልነ እምበል ዕርፍ ልትረኡነ ዐለ ኣለቡ። ሰኒ ድዩራም ወፋትራም ዲብ ሕነ ህዩ ሐቐ ድራር ኣሰክ እዋን ስኩብ ዲብ ተሸኪልነ እንዲ ገብኣኒ እግለ ህንዲዶ ልብል ለዐለ ሞጅ በሐር ዲብ ነኣተንሴ ወእብ ሓድር ቴለል ዲብ እንዳግም ሐቐለ ኣምቤነ ባኩት ሳዐት ዐሰር ናይ ላሊ ዲደማን እንዲ ኣፍገርነ እብ ክል ክልኦት እንዲ ትሸተትነ እብ ኣሰማዋነ ገኣኩ።

ምድር ክምሰል ጽብሐ ሻሂ ወእብ ነርወይ ለልትኣመር በስክዊት እንዲ ኣፍጠርነ ዲብ መሸንገለ መለሀይነ ላተ ኣራል ትጸዕን። ኣሰክ ኣየ ክምሰል ሕነ ላኪን እምበለ መስኦለነ ለኣምር ዐለ ኣለቡ። እግልሚ ዲብ

መደት ንዳል፡ ምስጢር ትሩድ ተ። ኣሰክ ኣየ ሕነ ወእግልሚ ወሚ እግል ኒዴቱ ለልብል ሀገጊት ይህለ። ትብገስ ትበህልክ ትትበገስ ወኣቅብል በህልካመ ተኣቀብል። ኣራል ዲበ መለዋሊት ለኣለቡ በራር ጋድም ሸንክት ምውዳቅ ጸሓይ እንዲ ገንሐት እብኩ መደቲት ሐቐለ ትፈተተት እብኩ ምን ሐዲስ ድማን እንዲ ትሎለበት ሸንክት ቅብለት ኣላየመት እብኩ። ሰፈር መጋዊሕ ነፍሰ ትፈትዩ ወእብ ፍንቱይ እተ ኢተኣምሩ ሲዩባት ለትሳፍሩ ሰፈር ወዲበ ኢተኣምሩ ሕምግሌለ ለተዐይሩ ክሉ ነፍዩ ፍንቱይ ኣዋይን ከልቅ እትኩ።

ለገበይነ ሰረ ድብብ ወሰራመ ለናይ ሰዋሕል በሐር ገረግር ወሸበህ ዐራይብ ተ። ለሐዳስ ኣራል ህዩ ክም ምራደ ትፈተት እቲ። ለእብ ጀህት ድማንን ለዐለት በሐርመ ክምሰል በዐል ገለድ መጦርነ ሰብክት ወሳገመት። ዶል ዲብ እንቀርበ ወዶልመ እት እንረይመ ለሄራር ሰኒ ወኣማን ዐጅቤኩ። ጸሓይመ ፋግረት



ፈሰሊት ሀንደሰት (ቀብር ወኣት 1985)

ሰበት ዐለት እንጮጫሓዩ ዲብ ልትረድ ጌሰ። ሐቐ መደት ዲብ ሐቲ ህጭም ለበዝሐ እተ ኣካን መኪነትነ እንዲ ኣብጠርኩ። ሸውዩ ዲበ ግንራሪበ በሐር እግል ንትመሼ ወኣልቃም ለልደፈን እቱ ሲዩባት እግል ንታይን ኣስተብዳኩ። ክሉ ለባኩት ህዩ እብ ዕንታትነ ከለልናህ። ሐያት ዲብ ግንራሪብ በሐር ህዩ ምነ ዲብ ጨቢብ ኣወድግ ወውቁል ኣድብር ለኣለፍናህ ለሐሰት እንዲ ገብኣት ትሰመዐተኩ።

ሐቐ ናይ ሳዐት ዕርፍ ኣዜመ ለኢተመ ሰፈርነ ሸንክት ቅብለት ነኣተላሌ ዲብ ህሌነ እሊ ወክድ እሊ ባኩትለ ዲብ ሕዱድ ኤረትርዩ ወሱዳን ለህለ ራስ ቁሳር ሸኢጋም ዐልነ። ቅርረ ህዩ ሸንክት ግብለት ምውዳቅ ጸሓይ ታርፈት ምኒነ ዐለ። ሕናመ ዲበ ጅወ ሸንክት ሱዳን ለኣተ ቀር ለመሰል ርክን ኤረትርዩ ባጽኣም ዐልነ። ላኪን ለቴለል ዝያደት ለኣትፈክረነ ዐለ። ቅብለት ምፍጋር ጸሓይ ሳሕል ምን መግዘም እስትዕማር ምን እንፈርቅቀ ዝያድ ሐል ወሰር ዋድያም ዐልነ። ላኪን ዮም ሚ ትረከበት ከዲብ እሊ ባኩት እሊ ሐቲ ውሕደት

ምን ውሕዳት ሀንደሰዩት ዐስከርዩት ማጽኣት ለህሌት ለቴለል ክሉ ረኣሱ ኣምበል ረቢ ወእምበለ መስኦለን ለዐባዩ ለኣምሩ ዐለ ኣለቡ። እሊ ናይ ዮም ሰባዕ ሰፈር ምነ ናይ ዮም ሐስም ወሰስ ሰፈርነ ለሐሰ ዐለ። ለምድር ክሉ ጽኖዕ ሰበት ቱ ህዩ ምነ ፍንጌ ማርሰ ተክላይ ወማርሰ ጥልያን ወጅህነ ብዱል ለዐለ ራብረብ ለሐሰ ዐለ። ላመ ምድር እለ ምዕል እለ ብሩድ ዐለ። ብሩድ ሸማል እብ እንክር በሐር ህዩ ልሄሬነ እት ህላ፡ ምነ ሰፈር ብዙሕ ኢዳዩግኩ።

ባኩት ፋዱስ ሐስመት እንዲ ሐለፍነ በሪጤ ለልትበህል ቅዋት በሐር ዕስኩራም እቱ ለዐለው ማርሰ በጽሐኩ። ዲበ መዐስከር ክምሰል ኣቲነ መኪነትነ ጀህት ግረ እንዲ ሎሉብኩ ምን ረኣሰ ዲብ ምድር ትከፊኩ። ለሰበ መዐስከርመ እብ ገጽ ፋርሕ ወቀልብ ናስክ መርሐበ እት ልብሎ ትከብተውኩ። መስኦለ መዐስከር ቀደም ለሀ እግለ መስኦለነ ሰበት ለኣምርም ዲብ ልሰሐቅ “ ዮም ህዩ

ኣመረው ዲብ ሰብ መቅደረት ዐባይ ለሐልፈው ወእበ ነኣይሸ ደባባም እግለ ኣክል ኣብድር ሳሕል ለመሰል መራክብ ሐርብ ለደመረው ምን እሊ ባኩት እሊ እንዲ ትበገስውቶም።

ፍንጌ ኣድህር ወኣልዐስር ክምሰል ገብኡ፡ ሕነ ወኣንፋር በሕርዩት ሕድ እንዲ ይእንወንን ኣዜመ ዲበ በኪተት መኪነትነ ጸዕን። ሰፈርነ እብ እሱው ሲዮብ ክምቱ እንዲ ይእንደሌ ህዩ መኪነትነ ግረ እንዲ ሐረግረገት ምነ ክንክሽ ኣቲ ዲበ ለዐለት ክትክተት እንዲ ትበርገሸት ለኣሰቡሕ ማጽኣም እበ ለዐልነ ገራቢት ተኣልበጠት። ለተርፈው እግል ኢለህሉ ሕድ እንዲ ጋነሐነ ህዩ ኣዜመ ሄራር ምን ማርሰ በሪጠ ኣሰ ማርሰ ቴክላይ ገብኡ። እለ ምዕል እለ ክምሰል ሰብ ሐውልዩት ንትመሼ ዐልነ ዲኢኩን ለደፈናህ ኣልቃም ይዐለ። ለዲብ ሰናዱቅ ምሰልነ ለዐለ ኣልቃም ህዩ ምሰልነ ኣሰክ ማርሰ ተክላይ ኣቅበልነ እቡ። ማሲ ምድር ለዲብ ድዋራት ማርሰ ተክላይ ረሻይደ ሓርሳሙ ለዐለ እክል ብልቱብ ዲብ ነዐፌ ህዩ ኣዜመ ዲበ ናይ ዶሉ መዐስከርነ ማርሰ ተክላይ ተመምኩ። እግል ሳልሳይት ላሊነ ህዩ ዲቡ እግል ንትመዩቲ።

እትለ ምሴት እለ ምን ቅብላት ዲበ በሐር ምሮ ጸዐደ መርኩብ ሰበት ረኡነ ቶጭ እሲትነ እግል ኢልትረኡ ዲብ ንደገግ ኣምቤኩ። ምስሉመ ሐቲ ዋያረት ሰፈር ለትመሰል ጽግብሕ እብ መሸንገለ ማርሰ ተክላይ ሓልፈት ዐለት። እሊ ናይ ዋያረት ወባብር በሐር ህዩ ለለኣስክብ ይዐለ። ዝያደት መዳለት ለለኣተውዴቲ። ለእግል መደት ሰነት ወሰር ዲብ እለ ኣካን ዕስኩራም ለዐለው ኣንፋር ክቡድ ሰለሕመ ደባባቶም እንዲ ኣትሳነው፡ ወክሉ መምተለካቶም እንዲ ጸዕነው ኣሰክ እምሀሚሚ እግል ልፍገር ኣማውር ተህዩበዮም። እሊ እግልነ ፍርሰት ዐባይ ዐለ። ክሉ ለመዐስከር እብ ኣልቃም እግል ንርጀሙ ወሐቀሁ ሕናመ ምን ማርሰ ተክላይ ደርባም እግል ንፍገርቱ ሳታም ለዐልነ። ደባባት ላሊ ምድር ሕርጊግ ዲብ ልብል ደርብ ሕድ እንዲ ትሰርሰረ ሸንክት ምውዳቅ ጸሓይ ልትበገስ ዲብ ህላ። ሕናመ ግራሁ ማርሰ ተክላይ ክምሰል ይእንሰክኩ ሸክ ይዐለ እግልነ። እግለ ምን እምሀሚሚ ኣሰክ ማርሰ ተክላይ ለትገይሰ ሰከት ወክሉ ደባብ ወመካይን እግል ሊኪዱ ቀድር ለእምቤሉ ባኩት እብ ኣልቃም መካይን ወደባብ ረግሐናህ። ምነ ንሄርሩ ህዩ ዲብ ክል ኣካን ዲብ እምበጥር እንሸቅዩ ለዐልነ ሸቅል በዝሕ።

ክሉ ለኣዳም እበ ሓለት ዲብ ልትፈክር ወልትወሀምቱ ህዩ ኣልቃም ደፍን ለዐለ። ቅብለት ሳሕል ልሰዕ ዲብ ሐን መራቀበትነ ዐለት። ኣባይ ለኣለቡ ምድር ህዩ እብ ኣልቃም እግል ትክልቡ ኮንዶኢ። ለምን ገበይ ክልኡ ሳዐት ለኢተሐልፍ ፍንጌ ኣውገት ወማርሰ ተክላይ ለህሌት መሳፈት ህዩ እግልነ ኣምዕል እብ ግዲደ ነሰኣት ምኒኩ። እግልሚ ምነ እንግዕዙ ለእንሸቅዩ በዝሕ ሰበት ዐለ።

መጸጸት ዓጸት እግል ትትከረዕ

እት መጽል ዓጽጥታት፡ ዐነጽብ ወአጥጥጥ ተጅርበት ረያም ላቡ ዓም ሐኪም- ዶክተር ምሕረትአብ የማኔ እት በርናመጅ ገለብ ደሐን ዓጸትነ ከአፎ እብ ዓፍየተ እግል ትንበር ክም እንሰድየ ለከሰስ መዕሉማት ሃይብ ዐሉ፡ ለጽብጥ እት ቁርአትመ እግል ልብጸሕ ምን ሐኪኒ ጭመሙ እዱሉያም ሀሌኑ፡ ቅርአት ሰዒደት።

ዓጸት እብ ወሰፍ ዕልም ሀይከል ሚ ትክምክም

ዓጸትነ ምን ቅርድ ረአስ አስክ ፈንዶት ለሀላ ክፈል ገርብቲ። ዐጽጥታት መቅደድ ለአግደ ብናሁ እት ገብእ እግሉ ለለአትጽብጥ ዐነጽብ፡ አጥጥ፡ ቀርጠጠ፡ ዓሳብ፡ አሰዑድ ወአሰራር ። ምን ረአስ እንዴ ትብገሰ ምግብለ መቅደድ (vertebra) ለሀላ ዕንድር እቡ ለልሐልፍ ብዙሕ ዓሳብ ለቡ እግል ክሉ ስምዒታት ወወራት ምን ረአስ ወተሐት ለሀላ ለራቅብ ዐሰበት-ሐገን (spinal cord) ሀይ ሀላ። ወጽጋድ(cervical spine)፡ ምግባይ ክፈል ዓጸት(thorasic spine)፡ ተሓት ክፈል ዓጸት(lumbar spine) ወምኑ ወተሐት ለሀላ ዓጭም ዘክብ (lumbar spine) ከምክም።

እምበል ዓጸት እብ ክልኤ እግርነ እግል ኒጊስ ይእንቀድር ሌጠ እንዴ ኢገብእ ምን ረአስ ወተሐት ለሀላ አይ ተእዛዝ ሐንገል ኢልተግበር። እብ አሳሰለ ምድመዕ ምን ፍንቱይ ሸለል ገርብ አስክ ሞት ለትበጽሕ ብቆት ተሀሌ።


ሰብ መጸጸት ዓጸት ሚቲ

ምን 80-90 ምእታይት ምንለ ሰነት ሰብ ለበጽሐ ኢደሚ መጸጸት ዓጸት ለኢጅሩብ አለቡ። ደረጃት ሀይ ብእቲ፡ ምን ዎሮ ወሬሕ ለኢትረይም ውቀት ለጸኔሕ ሻፍግ (acute)፡ ምን ወሬሕ አስክ ሰለሰ ወሬሕ ለጸኔሕ ሽብህ ሻፍግ (sub-acute)፡ ወዘያድ ሰለሰ ወሬሕ ለለአተላሌ፡ ኔብራይት (cronic) ልትበሀል።

እግል መጸጸት ዓጸት ቅልዓም ለወዲ-

ግዝፍ/ከርሸት፡ ሰጃይር፡ ዕብ (ምን ዕምር 60ታት ወለዐል)፡

አንሳት ሀይ ምስል ተቅዩር ሆርጥናት፡ ሰነት ጠለቀት ደቁስ ዶል በጸሐ ለዓጭመን እት ከፍፍ ሰበት ገይሱ ዶል መሐጽ ወውልደት፡ ምን ሕነት አስክ ውልደት ዐምሳት ምን 10-15 ኪሉ ለትወሰክ ከባደት፡ ወክድ ምጽአት ዓደት፡ እልትሃባት ርሕም፡ እሊ ክሉ ዝያድ ቅልዓት ወድየን።



ሐረከት ሕድት ለብእቱ ሸቅል ግሳይ አው ብጣር፡

ርያደት ክብድት ለወዱ፡

ክቡድ ለረፍዑ ክም ከረ ዐታሉ፡

ሀሙም/ጨቅጥ ሐንገል ለብእቶም

... እግል ንሀደግ እንቀድር።

እተ አሰባብ ምን እንመጽእ፡ 85 ምእታይት ምንለ አሰባብ እሙር ኢኮን፡ ለእሙር ሀይ ብዙሕቲ፡ ገሌ ምኑ፡-

እብ አከይ ርፍዐት ለመጽእ መትገደዕ፡

ከፋፈት ዓጭም አው ሰብር፡

ረክሱ፡ መእረር፡ ወመቀራጥጥ ዓጭም፡

ዲብ የአነት ለበቅል ዝያደት ዓጭም (bone spur)፡

ለዲብ ረአስ ሕድ ርቡብ ሀላ ዓጭም መቅደድ ዎሮ ምን አነት እንዴ ትሸንክ እግል ባኮቲ ሀላ ዓሳብ ዶል ጨቅጥ፡

ለዐሰበት መቅደድ ተሐልፍ እቡ ዕንድር ዶል ጨብብ፡

ዲብ ነፍሰ ለዓጸት ለፈግር፡ አውመ ምን ካልእ አነን እንዴ ተሐረክ ዲብ ለልትካሬ ሰረጣን ...

አሻይር

አወላይት እሻረት ጸጸት ዓጸት ተ፡ ምን ዓጸት አስክ ተሐት እንዴ ትከረ መጸጸት እግር ለሀሌ፡

ምን ሐር እብ ፈንዶት እንዴ አበለ እት እግር ለአትትካሬ መጸጸት (ሲያቲክ)፡

ቀሲን አውመ ኢሀለዮት ስምዒት እት እግር፡ ረጋዛት፡

እት ልትደቀብ ሐቆ ጌሰ ሀይ



ኢራቀቦት ሸን ማይ አው ሸን ከደን፡ መሻክል ዲብ ጅመሱ ዝያድ ዲብ ሰብ ተብዕን፡

ከአፎ ልትፈረግ

እብ ረአየት ሌጠ ምን ብጥረትለ መጽጽ ለሀላ ነፈር ለልትፈረግ፡ መትሐጋብ፡ መትክነዕ፡ መትደላል፡ ለትፈናተ አጅናስ አብ ሰዱር፡ ሐረከቲመ ሓልት ዓጸቲ ተአሰእል

ሕመም ኖሱ ለጠሬዕ ምኑ ሀይ፡-

ኢቀዲር ግሳየት፡ ኢመትሐማል ግሳይ አው ብጣር ረይም፡ መተካል ምን ግያሱ፡ መጸጸት ድቅብ፡ ኢመሊክ ሸን ማይ ወክደን

እብ መርመራታት ሕክምን እግል ፈረንቱ ለገብእ ሀይ፡-

ሀለዮት ወኢሀለዮት መእረር ወረክሰ ለወዴሕ መርመረ ደም፡


ሓልት ዓጭም ለለአርኤ ከሸፍ ራጂ፡ ለመጸጸት ሰኒ እኪት ሐቆ ሀሌት ሀይ ኤም አር ኣይ አው ሲቲ ስኮን እንዴ ገብእ እሉ መካሪት ዓጭም መቅደድ፡ ዐሰበት ሐገን- መቅደድ ወብዕድ ባኮቲ ለሀላ ዓሳብ ጭቁጥ ምን ሀላ ለልርኤ መትሻቀዩ ...

እሊ ገሌ ምን ብዙሕ አውካድ ለገብእ መርመራታት ፈረንት ሰብ መጸጸት ዓጸት ቲ።

ትንቱን ወደወ/ሳራይ

ለቀ'ለ ደወ መጸጸት ዓጸት፡ ሐረከት ቲ። መጸጸት እንዴ ትቤ ምን ምዕላይት ወራትክ እግል ትገሌ ኢለአትሐኪ። ከፊር ወግሳይ መጸጸት ለአኪ ድኢኮን ኢሳሬ። ለሐረከት ላኪን ክብድት እግል ትግበእ አለቡ፡

ሐቆህ ሐፋነት ተ። ለመጸጸት እብ መትጨቃጥ ወመትአሳር ዓሳብ ትመጽእ ሰበት ሀሌት ሐፋነት ሀይ እግል ጭቁቁም ለሀላ ዓሳብ ተአርሄ። ልብሰትነ በራድ ለኢተኣቲ ምን እንወድዮ፡ እት ላብቲክ ማይ ሕፋን እንዴ መልክን ዓጸት ጣልዖት፡ እብ ሆፈ ክሉ ገርብ ሓፈኖት ወእት ዐድነ ሰኒ ልምድት ለገአት ወዘያድ አንሳት ለወድያህ ተነት ምን መጸጸት ዓጸት ተአርሄ። ክምሰልሁመ ዳክክ (massage)፡ ጫቃም ወሻመሎት አሰዑድ ወዓሳብ ክም ልርሄ ወዴ።



ክሉ ለትጀረበ ሐቆ ኢሸቀ፡ ለሐኪም መደረት ወመንፈዕት እት ሚዛን እንዴ ከረ ዐመልየት እግል ልቀርር ቀድር። ዐመልየት ዓጸት ሀይ ዮም ዲብ ዐድናመ ገብእ ሀላ ።

ከርዕት መጸጸት ዓጸት

ለአወላይ በሰር መዳፈዕት መጸጸት ዓጸት ክል ዶል እት ሐረከት ሀለዮት ቲ። ሸቅልክ ናይ ግሳይ ገአ ምንገብእ እት ክል ሰር ሰዐት ወሬመ ምንገብእ እት ክል ሰዐት እንዴ ቀነጽክ እግል ትትሐረክ ብከ። ሸቅል ብጣር ለቡመ ክምሰልህ ግሰ ለልብል ወለልትሐረክ እት ውቀት ክም ተአትሐኪ እግል ልትረሰዕ አለቡ።

ሚዛን ገርብ ዕቅብት፡ ከርሸት አብደዮት፡ አትናን ሰጃይር ጠለቀት፡

እት ረሬዕ ሓጀት ክብድት እንዴ ደሃክ አው አንቀተርክ ርፍዐት እንዴ ኢገብእ እንዴ ትገሌክ ከባደትለ ሓጀት እት አሰዑድ እዴ ወእግር ክም ትውዕል ኒዴ፡ ምን አሰዑድ ወአጥጥጥ ዓጸት ለሰድድ ሐረካት ክም ከረ እብ ኢገበይ አንጠጦት መትደጋግ፡

ሆመትመ መጸጸት ዓጸት ክም ተአመጽእ አመርተ ሰኒ ቲ። ሸቅልክ ኢትፈይ ሐቆ ገብእክ በደሎት አውመ እንዴ ትክበትካሁ ምስሉ መትመሳናይ

እተ ግሳየትመ ዓጸት ሰኒ እንዴ ትጸገዐት ኮምፒተርክ አክልሕድ እት ቀደምክክ እንዴ ገብአት ስጋድ እንዴ ኢልትዐነን ወዓሳብ እንዴ ኢልትጨቀጥ ሸቅልክ አሰለጦት

መጸጸት ዓጸት እግል ለሀውን እንዴ ትበሀለ ለንትዐንደቆ መደገሬ (braces) ሰብር እንዴ ሀላ እትክ



ዶክተር ምሕረትአብ የማኔ

እግል መደት ሕድድት ለልትለበስ ምንኢገብእ ክም ስራይ መጸጸት ኢመትነፈዕ፡ እግልሚ፡ ለዓሳብ ወአሰዑድ ዲብ ሕድ ሸብ እንዴ አበለዩ ሐረከት ክልኡ ከክም ኢሸቁ ወድዩ፡ ድርድሪትመ ለሸቅለ ሁቲ ሰበት ቲ እግል ትለመድ አለቡ።

ልብ ንከሬ

ጅነ እት መማኒት ዓጸቲ ለገብእ ነቃሰ ረኤነ እቲ ምንገብእ አገድ እት ሐኪም ንምእእ እቡ። እት ንእሹ አገድ እግል ልሰኔ እሉ ሰበት ቀድር። ምን ቅድረቲ ወለዐል እግል ልርሬዕ ክም አለቡ ሀይ ነኣምር። አጀኒት ነኣይሽ ቦርሳት ዝዘፍ እንዴ ረፍዐው መድረሰት ለዐይሮ ወልትፈረሮ ልትረአው። ቦርሱቶም ዐቅጥም እንዴ ገአት እት ዓጸቶም አነካ እግል ትጽበጥ ብእቲ፡ ተሐት አስክ ፈንዶቶም ትካሬ ወጾረ ክቡድ ገአ ምንገብእ ላኪን እት መማኒት ዐጽም ዓጸት መደረት ትወዴ።

ጥባይል እንዴ ንትነፈዕ ሀይ፡ ክል ዶል ቀደምን እንዴ ወዳናህ እንዴ ይእንደንን ወኢንትዐነን እግል ንክተብ ወንቅረእ እቡ ብከ። ኢረቲዕ መትነፈዕ ጥባይል ምነ ዐቢ አሰባብ መጸጸት ዓጸት ወእት እንቲ መጸጸት ጽጋድ ጋብእ ሀላ። እንዴ ደንንክ ዲብ ትክትብ አው ተቀርእ ዲብ ስጋድክ አስክ አርበዕ-ሐምስ ኪሉ ራሬዕ ክም ሀሌክ ልትሐሰብ፡ ከኢተ ስጋድ እብለ ደረጃት እለ ጨቅጥ ትከልቅ ለሀሌከ። እሊ እንዴ ትክእለለ እግል ጽጋድ ልግበእ ወዓጸት ሰብ ኣለ ወድዮም።

ዲብ እዘንክ እብ ምንክብከ እንዴ ደንፍኣህ ብዕድ አሸቃልከ ትወዴ ዲብ ሀሌካመ ዓሳብ አሰዑድ፡ ዓጸት ወጽጋድ ትክራክም ሀሌከ።

ዝይ ከፊርመ እት ዓፍየት ዓጸት ተእሰር ብእቲ፡ መክደት ዐባይ እንዴ ተርአሰክ ለጽጋድ ፍንጌ-ፍንጌ ሐቆ ተርፍ ለነፈር ሰክብ ምንመ ትመዩ ጽጋዱ የዓረፈ ተርህ ምዩይ ሀላ። ከዲብ ነኣከርር ለጽጋድ እብ ብሸኪርመ እንዴ ደንፍኣ ልግበእ ክም ለዓርፍ ኒዴ። እብ ዎሮ ስምጥ ሌጠ በደል ንትመዩ ሀይ እንክር ንቀያይር።

ፊነ ዶክተር ምሕረትአብ የማኔ

መጸጸት ዓጸት ምን ሸሀር ወለዐል ጸንሐት ምንገብእ ኖሱ ለሐድዢ እንዴ እንቤ ኢንትገሌ እቡ። ምን አመረ መእንበት ናይል ከብደ አምር እግል ትግበእ ትቀድር። ሰበቡ እግል ልትአመር ሰበት ቡ እት ሐኪም ንምእእ።

ሰወር፡ አቤል በረኸት

እት ሐልፈ. አውካይ፡
አንፋር ጀራይድ እት አቅለም
ጋሽ-በርክ ዝያረት ሸቅል ዋድያም
ዐለው። ከመልህይነ ሰሕፊ ሳልሕ
እድራስ ገመ ምስል መልህያሙ
አንፋር ቅስም ሰሓፊት፡ ምስል
መስሐል ሐርስ ምዴርየት ባርንቶ
አሰይድ ሙሴ ባህታ ለወደወ
መቃብለት፡ እትለ ሰፍሐት ፍራ-
ካድም ዮም ነኣራግር እግልኩም፡
ቅራኣት በኪተት፡

**ሰአል፡ ሓለት ዝላም ወክዝረኡት
2024 ሚ ትመስል ዐለት?**

በሊሴ፡ እስልፍ ግልገል፡ ሽዐግ ወወራታት ሕፍዘት ማይ ወትርበት እት ወክዱ ሰበት ታመመ፡ ክምሰልሁመ ዝላም ከረም ቅዝር ሰበት መጽኣተኑ፡ በሀለት ዲበ እት ባርንቶ፡ ዳሴ ወኡጋና ለህለዩ ንቃዋ መቀየስ ዝላም እት ባርንቶ 830 ሚ.ሜ፡ እት ዳሴ 1,072 ሚ.ሜ ወዲብ ኡጋና 683ሚ.ሜ ዝላም ቅዶስ ሰበት ትረከቡ፡ እት ቀበት ዐስር ሰነት ለኢትረኢት ዝላም ረከብኑ፡ ለሒሰት ሰነት እግል እክል፡ ንዋይ፡ ዕጨይ፡ ሰዐር ወዲቶት ከደን ክም ዐለት ህዩ አክድ እኩም።

ሰኣል፡ ለልትሐረስ ምድርኩም
አክል አዩ ቱ?

በሊሴ፡ ኢት ምዴርየት
ባንርንቶ 13,450 ሄክታር ለጉበኤ
ለልትሐረስ ምድር ሀላ። ምን እሊ
ኢተ ሐልፈት ከረም ለትሐረስ
11,910 ሄክታር (99.3%) ቱ።
ምን እሊ 89 ምእታይት እክል
ማሼለ ውበልቱብ፡ 9.8 ምእታይት
ናይ ዜድ አዝረአት፡ ወለተርፈ
ቅርጡጥ ትዘረአ።

ሰላል፡ ጀራዲን እት
ምዴርየትኩም ሚ መሰል?

በሊሴ፡ እሊ ምድርን ጀራዲት
ጨቢብ ቱ። መብዝሐ ህዩ እት
ሓፈት መዲነት ባርንቶ ሀለ።
ምን እሊ እብ መስኖ ለሰቴ 211
ሄክታር ገብእ። ሓለት ጀው
ሰኔት ለበ ምዴርየትነ ደለ እት
ከበሰ ለትበቅል ኩለ ትበቅል ዲበ
ህሌት። ከመዶር፡ በሰል፡ ቁሰጠ፡
ካውሎ፡ እድር፡ ጎዕ፡ ድንሽ-ዋዑም
ምን ሐምሌ ወማንጉሱ፡ አራንሽ፡
ለይመን ወፓፓዮ ህዩ ምን
ፍሬታት በቅል። ባካት ባርንቶ፡



ባርንቶ ለሞዳይ፡ ምድር ሐርስ ወንዋይ



ወዲብ ለዋው መሓዝ ጋሽ እት ከረ ዐናግሉ፡ ፎዴ ወኩሉኩ ለሀለ ጀራዲንመ ለሔሰ እተይ ለልሀይብ ተ።

**ሰላል፣ እት ጽግእ ሚ ከደምኩም
ወእግል ሚ ነፊዕ?**

በሊሴ፡ ጽግእ፡ ለምድር ተክም፡
ሀረሞሁ ልውሕድ ወማይ ጸብሞ።
ክምሰልሁመ ባልዒን ነቅሰ
ወሕማም በዴ። እተ ሐልፈተ ሰነት
713 ሄክታር ለገብእ ምድር ቀሪም
ትጸገእ ወሰኒ ትሳወ ከትሐረሴ።
እተይ ሰኒ ህዬ ሃይብ ሀለ።

ሰአል፡ ባልዲን ለልተረኤ ምን ሀላ?

በሊሴ፡ ባልዒንት ሀላ፡ 15
ዳሕያት ብክ፡ ደባም እት ኩለን
አንበጠ ሻብብ ዐለ። ምስዳርመ
ነሰአነ ዲቡ ላኪን፡ ለምስዳር
ለአንበጠ ክም ነፍረ ሰበት ትነሰአት
እቱ ብዞሕ ኢነጅሐት። ምነ ሐልፈ
ወሬሕ ጁን 2024 ላኪን እት
ዳሕያት እንዴ ትከሬኑ፡ ለአንበጠ
ወልድ እቱ ምድር ሰበት ትረክቡ።
እባሁ ቤጭ እት እንቱ አብዴናሁ።
ውዛረት ሐርሰመ ካፊ ደወ
ወመዳሊት ሰበት ወዴት እሉ።
እት ወክዱ አብዴናሁ። ገንሽራመ
ትረኡ፡ ላኪን ዝላም ሰበት ዐለት።
እተ ወክድ ይብሰት እክል ሰበት
ትረኡ፡ ምድረት ኢወደ።

ሰአል፣ ትራክተራት እቡ ተሐርሶ መ እብ ናይ ለመድ?

በሊሴ፡ ትራክተራት ሀሴ፡ ላኪን ካፊ ሰበት ኢኮን፡ ሐረሰቶትን ደለ እለ ረክበው መሬት እበ ለሐርሶ ወእግል ትራክተራትም ህመ-ላም ኢኮን። ደፃም እበ ዝላም መልሐተይ ወከረም ንዋይ ራጄዕ ሰበት ዐሴ፡ ለመርያት እግል ልሕረሶቡ ቀድረው። ሐረስታይ ህዬ ደለ እለ ቡ መሬት እበ እት

ለሐርሰ፡ ለምውሰም ሐርሰ እግል
ለሐልፉ አለቡ።

ለአል፡ “ቅዝእ ለበ ኑብረ እግል ኩሉ ወእት ክሉ” ለልብል ሸዓር ውዛረት ሐርሰ ከአፎ ትሸቁ እቡ ሀሌኩም?

በሊሴ፣ ‘ደማነት ቅዘኦ ለበ ነበረ እግል ኩሉ ወጸት ኩሉ’ ለልብል በርናምጅ ውሳረት ሐርቼ ስትራተጅየት ናይ ሐምስ ሰነት ተ። እትለ ምዴርየትን ቀደም እለ እት ወጅዶት እክል። ሐሊብ ወሰገ ሰኔ እንሸቁ ጸንሐኩ። አዜ እትብጉሳሙ ለህሌን ወቀይ ተዋብ ንህብ ቱ። እት ተዋብ ንህብ ብዞሕ ሻቅያም ኢጸንሐኩ። እት ገሌ ድዋራትለ ምዴርየት ሐረሱዮት እብ ናይ ለመድ ወበገስ ኖሶም ንህብ ተውቦ ምንመ ዐለው። ዮም ዓመት ክል



ሐረሲታይ ቀፎ ሰሙይ እግል ልተውብ ተዕቢኣት ወዲ እተም። ሰበት እሊ፡ ኣት ሰለስ ርዝቅ ዕጩይ ሰኒ ለበን ዳሕያትን 78 ቀፎ ሰሙይ ሸቄነ እሎም ከትወባሙ ህለው። ኣት ድንሸመ፡ ጀርቤታት እንወዴ ሰበት ጸንሐነ፡ ዲብ ሕሰራም ሐረሲቶት 50 ኩንታል ዘርእ ድንሸ ወጁብ ውዙዓም ህሌነ፡ ወእብሊ ለኣት ከበሰ ሌጦ በቅል ነብረ ድንሸ ኣት ምዴርየት ባርንቶመ እግል ነኣፍርዩ እኑብታም ህሌነ።

**ሰአል፡ እት ወራታት ዐቂብ
ዕጩ ወሐዋናት ከደን ሚ
ተአወቁ ህሌኩም?**

በሊሴ፡ እግሉ ለትክሰሰ ጀህት ምንመ ተሀሴ፡ እት ወራታት ሕፍዘት ማይ ወትርበት ዲብ ሐሲያት እትላ ሐልፈተነ ሰት 2024፡ እግል ሰለሰ ወራሕ ነብረ እብ ሸቅል ለልብል በርናምጅ ሰበት መጽኤክ፡ 1054 ነሐር ኣዳም እት ክል ወራሕ ዲብ እንክሰሕ፡ 150 ኣልፍ ሕፈር እግል ሸተል እዱሉም ህላክ፡ 332

አልፍ ምትር አክረት እት ሐሲያት ትሸቀ። ቅያሰ 4000 ምትር ሙከቦብ አሸረዐትሙ ትሸቀ። ሕዳን ናይ ዕንጌሽ ሸትል ሰበት ክርዒን ላኪን፡ ምን ዱሉይ ለዐለ ሕፊር ሸቲል፡ ለ24,250 ሕፍረት ሌጠ ዕጩይ ትሸተለ ዲበን።

**ሰአል፣ ቀተሪ ምን ሀላ እት ሚ
ሓለት ሀለ?**

በሊሴ አቅሊም ጋዝበርክ ቀደም
እለ ብዙስ ቀተሪ እቡ እሙር
ይወለ፡ የም ዓመት ላኪን እት ሰለሰ
ዳሕያት ምዴርየትነ ባርንጉ ናይ
ደገጊት ቀተሪ ቅቱራም ህለኑ። እት
ምዴርየትነ ለልትህረፍ ሰዐር ንዋይ
ዲብ በዲ ምጽእ ሰበት ህለ፡ እሊ
እብ ዌረት አስዕር በዲ ለህለ ዘርእ
ሰዐር ክም በዲሩ እግል ለአቅብል
ወመሸፈል ንዋይ ደሎቱ እግል
ትትሐፊድ ለሰዐር ክም ልትዘረእ
ዲቡ ዋድያም ህሌኑ ወፍገሪቱ ግረ
እለ እግል ትትረኡ ቱ። እብ ዓመት
ላኪን አስክ 40 አልፍ ሄክታር
ለገብእ ምድር ሰዐር ወመሸፈል
ንዋይ ህለ እግልኑ።

ሰኢል፡ ለልተውብ ንዋይ ሚ
ጅንሰ ቱ?

በሊሱ፡ እት ንዋይ ምን እንረኤ፡
እብ ዓመት እትለ ምዴርየት ባርንቶ፡
194 አልፍ ለጉበእ ረከሰ ምን ንዋይ



አሰሪድ ሙሴ ባህታ

10, 870 ንዋይ ምን ባልዲን ለዐል፡ ወ220 ረኣሰ ህዩ ምን ናይ ደም ባልዲን ለትሳረ ንዋይ ብከ። እብ ዓመት ህዩ ዝያድ 23,615 ለ7ብእ ንዋይ ምን ባልዲን ውበዕድ ሕማማት ሳረከ። እምበልሁመ ፍድኢት ነህይብ፡ አዜ እብ ናይ 700 ለ7ብእ አክላብ ፍድኢት እነቡታም ህሌን ወእተ ንዋይ ብዕድመ ጣልሞ ሰበት ህሌን እግል ነአተላሌ ቱ።

ሰላል፡ እት ንዋይ ሚ ድሩስ ተህይዖ?

በሊሴ፡ እት ንዋይ እግል
ሐረስቶትን ለእንመክረ፡ ሐዳይ
ወወጁብ ንዋይ እንዴ ተወበው፡
እት ድቡእ አማክን ዲብ ለዐሉፋ፡
መትነፍዐት እተዩ እግል ልግብሊ
እንመክር። ዎሮ ሐረስታይ ሕኔት
ንዋይ ብዞሕ ወምን ኦሮ ጅንስ
ተውብ፡ ምን ኩሉ አጅናስ ክም
ሐ፡ ደወርህ፡ አግል ወአግጌዕ
ለወጁብ ወለቀድሩ እግል ልተውብ
ቡ፡ ሰበቡ ህዩ ሕማም አተ ምን
ገብእ፡ ለንዋይ ሐቲ ኢነት እግል
ልትጀለፍ ሰበት ቀድር፡ ፈርሀት
ምን ከሳር እግል ተሀሌ ቡ፡ እግሉ
ለገብእ ዎሮ ሄክታር እብ መስኖ
እንዴ አግመልከ እግል ትተውብ
ወትአፍሬ ቱ ለእንመክር። ሰበቡ
ህዩ፡ ሐርስ ከረም ክል-ዶል
መትጸብራይ ወዴኩ፡ ሕኩመትመ
ሐርስ መስኖ ወተዋብ ንዋይ
እት ድቡእ አካናት ጀላብ እግል
ልትሰጀዕ፡ ከዋናት ክም በዜሕ
ትወዴ ወአስኩ ገጸ ትሄርር ሰበት
ህሌት፡ ሐረስቶትን መትነፈዐት
ሐርስ መስኖ ወተዋብ ምስል እግል
ልጭመሮ ነአደርሶም ህሌኑ።

ሰአል፡ ዘርእ ወጁብ ዲቡ ከአፎ ትሄርሮ ሀሌኩም?

በሊሴ ሕሩይ ዘርእ፡ እተይ ለልክበርኩት ሰበት ቱ፡ ውሳረት ሐርሰመ ዝያደት ተኣትፋዚፅ እቱ ህሌት። መሰለን እት ሰነት 2024፡ ሕሩይ ዘርእ ዕፋን ወዘዕነ ወሰኒ ባቅል ህለ። ለሐልፈ ሰኖታትመ እት ዘርእ ማጂሊ ውብልቱብ እንዴ ኣተንኩብ፡ ምን ማጂሊ ባዕሬ ወምን ብልቱብ ኮና ለልትበህሉ ኣዝረኣት እት ሐረሰቶትነ ወዘዕነ ወእተይ ሰኒ ትረከብ ምኖም።

ዶ/ር ዑመር ዑሰማን

ፎካልልፎት/ወቂር ግድሽ ወሽባብ

ወቂር ግድሽ (Saving) ለልትብህል አይ ልውሐድ ወልብዘሕ እተይ ለቡ ነፈር ምን ማህዋቱ አው ለሽቀዩ፡ ክም ቅድረቱ ልውሐድ ወልብዘሕ ዐሰር ምን ምእት ልግባእ መ ሰብዐ ምን ምእት አው እት ፍንጌ እሎም ምእታይት ዶል ከዘን/ ለአኬልል ወቂር ግድሽ እንብሉ። ወቂር ግድሽ እት ዐቦት ወጠውር አንፋር፡ ዓኢላት ወደወል መረ ምህም ተረት ለልተልሄ ምህም ነባሪ ቱ።

ዕልም እቅትሳድ ህዩ፡ እግል ልዕቀር ለኢቀድር ነፈር፡ ዘረኦ ዐቦት አለቡቱ ልብል። እሊ በህል እሊ ግምሽ ኢኮን፡ እበ ልትቀድረነ ወለ እት ሽሀር ምእት ነቅፈ እግል ትዕቀር ቀደርከ ምን ገብእ እት ዕሰረ ሰነት ዕሰረ ወአርበዕ አልፍ እግል ትዕቀር ትቀድር። ክም ሽባብ ህዩ ምስተቅበልነ እብ አይ፡ ዐቦት፡ መንበረት ወብዕድ እትለ መጽእ ወቅት ሰበት ልትጸበረነ ላዘም እግል ንዕቀር ወጅብ።

እብ ሰበት ግድሽ ንቃሽ እትለ ልትረፈዕ እቱ ወቅት፡ ለትመጽእ መክሐደ ህሌት። ህተ ህዩ እንተ ግድሽ ትፈቱ፡ ነፍሰክ እንዴ ጃይከ ማል ተአክብ፡ እንተ ግድሽ ኢተህይብ፡ ጃብከ ዐርቀብ ብእቱ ማሚ ወብዕድ ለልትብህል እግል ግድሽ ለኢለአፈግር አንፋር ለልትብህሉ ህግዩ ህሌ። እብ ድድ እሊ ህዩ ክለ ለረክበወ ወለ ማህዋቱም፡ ቤቶም እንዴ ኢበጽሖ እት ሱግ ወምስል ለረክበወ ነፈር እትለ ለለአትሐዘዮም ወለኢለአትሐዘዮም ሓጃት እንዴ ከለሰወ ለዐይር።

እት ክም እለ ሓለት እሎም ለእግል ልተብድሮ እት ልብሎ፡ ክሉ እተዋም እት መዕቀር ለከርወ፡ ለኢልፍሁመ ህሌት፡ ህተ ህዩ ምን እተይከ 50 ምን ምእት እት መናበረትከ ምን ተአውዕሉ፡ 30 ምን ምእት ምን ተዐቅሩ ወዕሰረ ምን ምእት ዘራይብ ሕኩመት ምን ደፊዕ ምን፡ ምስል ወቅት በዐል ማል ርዮሕ ወቃትን ለልተበዕ መዋጥን ክም ወዳክ ዓልመት እሊ መጃል ሽረሐ።

እሎም ክለ ለረክበወ ለበዘር ህዩ፡ ግድሽ ዓጻት አንፋር ክም ተ፡ ግድሽ እት ሰናቲም ለትቀየረት ሕርየት ክምተ የአመርቶም ቱ። እግልሚ ምን እንብል ግድሽ ሕርየት ተህይበኩ፡ እግል መትዛባይ ናይለ ምህም ወእት ዐቦትከ ምን ገብእ ወመናበረትከ ውቅል ተረት ለቦም ሓጃት።

አግሩሽ ዶል ብከ እትለ ሐዘካህ አካን ትበጽሕ፡ ለሐዘካህ ክታብ

ትትዛቢ፡ እግል ዓኢለትከ ለምህም ወአትሐዘዮት ለቦም ሓጃት ትቀድም፡ ምህንትከ ትወቅል፡ ዶል ዐባይ ወምጭዊት ህዩ ምን መትደያን ትነግፍ ወብዕድ። ሰበት እሊ ግድሽ ምስል ወጠንዮት፡ እምነት፡ መባዋር፡ ምህንት ወብዕድ ዶል ተአትጃግረ ግራሆም ለትትረተብ ምንመ ትገብእ፡ ክል ዶል ካልአይት ምህም ሓጃት ተ።

አንፋር፡ ዓኢላት ወደወል ለለሐዘወ ሓጃት እግል ልትዛበው ላዘም ግድሽ ተአትሐዘዮም እብ ክሉ አጅናሰ። ለተብድሮ ምዋጥኒን ለትመልክ ደውለት ዐቦተ አኪድ ቱ። እት እድንዩ ለእብ ዐማር እት ቀደም ለልትረተብ ድወል መዋጥኒንመ እብ ዐቂር እት ቀደም ልትረተቦ። ክምን እሊ እንዴ አትሌ፡ ክም ሽባብ ግድሽ ክም ኢነዕቅር ለወዱነ አሰባብ እግል ንርኡ ቱ።

ውላድ አዳም እብ ጠቢዐቱ ሰኒ ሓጃት ፈቱ ወክሉ ለለሐዘዩ ሓጃት



እግል ልርኩብ ልተብኒ። እት ክም እለ ሓለት ፍንጌ ላዘም ለለአትሐዘኩ ወለትሸኪም ሓጃት እት ወርጠት ትትከፊ። እት ክም እለ ሓለት፡ ነፍሰነ እግል ንትሰአለ ለብኩ፡ እሊ እግል እትዛበዩ ሐዘ ለህሌት ሓጃት መረ ምህም ወእምበልሁ እግል እንበር ለይአቀድር ቱ ወለ ሰበት ትሸናህኩሁ ሌግቱ እትዛበዩ ህሌት ለልብል ሰኣል ቱ።

ሸኪህት ገብእ ምን ገብእ ህዩ፡ ሸኪህት ሕዱድ ክም አለበ እግል ነኣምር ብኩ። ውላድ አዳም ህዩ ምን ክልቀትነ እብ ሽዑራት ወሸንህት ለትክለልነ ሰበት ገኣነ ምስል ነፍሰነ ህጅክ ለአትሐዘኩ። ምስል ወቅት ህዩ ክሉ ለልትሸኪህ ሓጃት እት ንዛቤ እትለ ይእንፈገረ ተልገ ወወለፍ ሐሽሾት ነኡ።

እብ ወቂር ግድሽ ምንለ እት እድንዩ እብ ቀደም ለልትረተቦ ሽዑብ ሽዑብ ያባን ቱ። እሊ ለመድ ወቂር ቱ ህዩ እግል ያባን ምንለ

እት እድንዩ እብ ተክኒክ አወላይት ደውለት እግል ልውደዩ ለቀድረ። እት ገቢል ያባን ዓኢላት ላዘም እብ ምተሐት እተዩን እግል ልንበረ ክም በን ለአምረ።

ዴን ለልትብህል ኢፈትወ። ክም እሊ እብ ግብአቱ ዓኢላት ላዘም ላሊ ወአምዕል እግል ልሸቀው ብእቶም፡ ክመ ለሐዘወ መንበረት ምንለ ለአትወ እተይ ወተሐት ነብር። እብ ክም እለ ገበይ ህዩ ዓኢላት ያባን መናበረትን እግል ልወቅለ ሰድዮን።

ወድ አዳም እተዩ እትለ ወሰክ እቱ ወቅት፡ ሸንሆታቱመ ምስሎም ወሰክ። ክሎም እብ ሰበት ኢረከብ ግድሽ ካርዖም ለዐለ ንዮታት ሰበት ልጠለቁ፡ በዘርትመ ምስሉ ወሰክ። እሊ እግል ልራቅቡ ለኢቀድረ ውሒዝ ሸኪህት ወሐሸሾት ህዩ እብ ዕቅባለት ለአለቡ መሓዝ ነሰኦም።

ብዘሕ ወቅት ግድሽ፡ እብ ለትፈናተ አግቡይ እት ጂብከ ሐቆ


በጽሐ እብ ከአፎ ፍይላት ተአፈግሩ ወትትነፈዕ እቡ ለባበት ለሐዘ። እዳረት ግድሽ አመርት ህዩ እት ዐቦት፡ ራሐት ወፈርሐት አንፋር ወዓኢላት ውቅል ተረት በ። ሰበት እሊ እተይከ ልውሐድ ወልብዘሕ ላዘም እግል ትዕቀር ብኩ። ሰርም ምንለ አግሩሽ ክም ኢተዕቅር ለወዱ እሎም ለተሉ ቶም።

1. እትሚ ግድሽ ተሐሸሽ የአመርት

ለበዘሐ ወቅት እት ዐባዩ ሓጃት ለነኣፈግሩ ግድሽ እመር ቱ። እሊ ሌጠ እንዴ ኢገብእ ምስል ሸቅል ለትጸበዋ ኢገኦ ምን ገብእ እግም መናበረትን ለለትሐዘኑ ዐበዩ ሓጃት ሐዳም ሰበት ገበአው እግል ንትረሰም ኢእንቀድር። ለመሸክለት ለትመጽእ እት ክል ምዕል ለነኣፈግርም ለኢነዕልም ነኣይሽ ሓጃት ቶም።

እሎም ነኣይሽ ሓጃት ምን ምዕል እት ምዕል ወምን ሳዐት እት ሳዐት እት ልትክከቦ አክለ ጌሰው ምንለ ዐባዩ ለእንብሎም ሓጃት ወለዐል ግድሽ እንደፈዕ እቶም። ብዕድ ለለአትፈክር እሎም ነኣይሽ ሓጃት ለልትዘከር ኢኮን፡ ምዕልክ አርድ ክም ጸልመተ እትለ ምዕል ለህ ለአፍገርናሆም ነኣይሽ ሓጃት ዐልብናሆም ምን ገብእ ዐደዶም ወዐውሎም ሐድ ኢኮን።

እሎም ህዩ አንፋር ግድሽ ክም ኢለክቦ እት ወዲ ክም አወላውያም



አሰባብ ልትሐሰቦ። እግል መስል ምስል መልሂትከ ለትሰትዮም፡ ትበልዶም፡ እብ ሻሬዕ እት ተሐልፍ ለረክብኪም ሓጃት መትዛባይ ምንለ ነኣይሽ ለመስሎ ወግሩሽ ክም ኢነዕቅር ለወዱና ቶም።

2. ባጃት/ማልዮት ኢአፍገርት እት ሽሀር ልብጋእ መሰነት ምስል እተይከ ለገይሎ፡ እግል ዓኢለትኩ ድራሰት፡ መትፋግዒ ወብዕድ እብ ዋዴሕ አክለይ እግል ተአፍግር ቱ እመር እግል ልግባእ ወጅብ። እለ ባጃት እለ ምስል ወቅት እግል ትትቃየር ለትቀድር እግል ትግበእ በ።

እለ ገበይ ባጃት ለእንብለ ህሌን ገበይ ሐሸሾት እት ሐቱ ምዕል እግል አብጠሮት እንዴ ኢገብእ፡ እዳረት ግድሽ እግል ትድረስ ቱ ለትሰዴ። እትለ ትፈግር አው ትትዛወር እቱ ወቅት ህዩ ለአትሐዘከ ግድሽ ሌጠ እንዴ ጸበዋከ ፈጊር። ለኢለአትሐዘከ ሓጃት ኢትሕዜ፡ እት ገህወት ንብላዕ እግል ልብለክ መለሀይከ እት ቤፔ እግል እብላዕ ቱ ወብዕድ ለልብል በሊስ እግል ንትነፈዕ እንቀድር።

ውላድ አዳም ብዘሐም ሓጃት ንትሸኪህ ወአጊድ እንመእጎቶም። ሰበት እሊ ለገኣት ሓጃት ቀደም

መትዛባይን እብ አማን ለአትሐዘኑ መኢኮን እግል ነፍሰነ ንትሰአል። ብዕድ ክም ሽባብ እግል ነኣምሩ ለብኩ፡ ለለጭረዋርሖ ሓጃት ሰበት ተውብነ ለእንበጸሐ ዐቦት ወለእንረክበ ረይሐት ክም ኢህሌት አመርት ቱ።

3. ክል ምዕል ለተአፈግርም ነኣይሽ ሓጃት እቶም የአንተብሆት ክመ እት ለዐለ ለቤልናሁ፡ ክል ምዕል ለንትዛበዮም ነኣይሽ ሓጃት ብዘሐም ቶም። ነኣይሽ ሰበት ገብአው ህዩ ኢነኣንተብህ እሎም። እት ልትኬለሉ አክለ ጌሰው ህዩ ከሳር ለአጀሩ እትኩ። ሰበት እሊ ነፍሰነ ንራቅብ፡ ወክል ምዕል ለነፍግርም ነኣይሽ ወለ ኢለአትሐዘኑ ሓጃት ነኣብዋር።

4. ዴን ዶል ብኩ ሐር እግል እብለሉ እት ትብል አትራያም ምን አንፋር ለትነሰኡ ዴን ላዘም ምስል ወቅት ምዶል እግል ትብለሉ ለተአሸር ሰብረት እግል ተህሌ እከ ወጅብ። ዴን ምንለ ግድሽ ክም ኢተዕቅር ለወዱ ቶም። ሰበት እሊ ለደየናሁ ግድሽ ክም ማልነ እግል ንሕሰቡ አለብኩ። ንሕሰብ ወንትሓፈዝ እቡ ወእት ወቅቱ ንብለሰ።

አብሳር በሊሱ፡ ሽሬሕ ብዙሕ ለለአትሐዘዮም አሰእለት

- ምደርስ እት ሽሬሕ ለጨቅት እቶም ንቃዋ፡ ምህም እንዴ ገብአው ልትረአውነ ሰወር፡ ሰቡራት፡ ዕሎታት፡ እት ክታብነ እብ ዳምቅ ለትከተብ ከሊማት ነኣንተብህ እሎም።
- ሚ አሰእለት እግል ልምጽኡነ ክም ቀድሮ እንዴ ሐሰብነ ነፍሰነ ንትሰአል። ለበዘሐ ወቅት ምደርስ ለእት ፈሰል ለጨቅት እቶም ንቃዋ እት እምተሓን ለአመጽኦም። ሰበት እሊ ዮም ለደረሰናሁ ደርስ ዮም ሐፈዝን ምን ገብእ እግል ፈጅር ለህለ እምተሓን ሳዕደነ። ቀደም ለገኣት ሰኣል እንበልስ እግል ሰኣል ክልኤ ዶል ግል ንቅረኦ ብኩ።
- ለሰኣል እግል ንብለስ ለሳዕዱነ ፍክርያት፡ ሽሬሕ አምዕሎታት፡ አሰማይ ወሰወር ነኣክብ።
- እብ ከአፎ መከምከሚ ምን እንወዴ ንፈክር። ሐቆሁ እግል ለአኩብናሁ ሐብሬ እት ናይ በሊስ ወረቀትነ ንክተብ።
- ሐቆ እሊ በሊስነ ራቱዕ ክም ህለ እግል ንሰዩሕ ወቅት ሐቆ በን ምን ጀዲድ ንቅርኡ።
- ሐቱ ሰኣል እንዴ በሊስነ እት ብዕደት ንትዐዴ እት ህሌነ አካን ንሕደዩ፡ የምክን ሐር ተውሳክ እግል ንርኩብ ሰበት እንቀድር።
- ሐቆ እሊ ክሎም ለተህየበውነ አሰእለት ሰኒ ክም በለሰናሆም ነኣክድ ወለኢበሰናህ ሰኣል ኢንሕደዩ። ናይ እምተሓን ውረቅነ ክም ተህየቤነ ትሰዩሕ ንውዴ ወክልጥ ሐቆ ብነ ንሰይሐ።



ፈቃድ የሰጠውን ወሃድጽ ፍጥነት

ቁሩይ ትንቢት አተንፍሰ
ወላ ናይ በዲር ወጸት ልትደጋገም ለጸንሐ ቴክኒክመ ልግበእ እዳኢኮን፡ ምናተ እብ አማን ብዝሕት መንፍቦት ለቡ ውዳይቲ። እግል ገርብክ እንዴ አርሄክ ምደዱ ወእብ ክለ ሓሊትክ አተንፍሱ፡ ለትንፋሲክ እንዴ አብረድካሁ ክምን ሓዲስ እብ ምልሃክ ክብ አብሉ። ዶል ለትንፋሲክ ምን ቀበትክ ፈግራቲ፡ አክሕድ ክመ እሳት ምን ቀበትክ ትፈግር ለህሌት እግል ትምሰል እትካ ቲ። እለ እሳት ለምን ቀበትክ ትፈግር ህሌት እግል ትሸቦር እቡ፡ ለእዳክ እትለ ሐንላ እንፍክ ክረዩ።

ተማሪን ውዴ
ተማሪን እብ አማን ለሐሰ ቴክኒክ ነፍሰክ እግል ተኣራግ እቡ ለትቀድር ቲ። ከደን እንዴ ፈገርክ እግል ርሕክ ዲብ ምርት ሰኒ ድቁብ ላቲ ናይ ርዶደት ተማሪን አትዩ፡ ወእግል መደት ሰኒ ረዶም አስክመ ለመጸጸትክ ወለቀጽብክ ልትሀወኖ ምን ቅደስ ወለዐል ተማሪን ውዴ። ወዶል ሐዘክ ህዩ እግል መደት ረዶም ሰዴ ወሀርክት፡ ከሕኔት እብ ምስምሰ ናይለ ዳብጠትክ ህሌት ሀመት እት ምግሳይክ እት እንተ ተሐሰብ ሐረከት ተሐይሰ እትክ ክሉ እግል ተኣትረሰብኩ፡ ወዶል ሐዘክ እት ናይ ሓሊት ተማሪን እንዴ አቲክ እግል ክቡድ ጋራት ሀርስ ወክሬ። እሊ እግል ባልክ እት ብዕደት ጋራት ክም ኢለሐሰብ ወድዩ፡ ለእቲ ክሰኡ ህሌክ ተማሪን ሌጠ እቲ እግል ተኣንተቢህ ቲ።

ዕንታትክ አቀምጭ
እብ ምልሃክ እግል ዕንታትክ እንዴ አቀምጭኩ፡ ወእብለ ምን ህለ ተዋልል እት ተኣንሲሕብ ወእት ትትረሰቡ ምጸእ። ቅጠርለ አናቤዕ እግል ርመብለ ዕንታትክ እግል ለአጥልላሁ በክት ሀበኹ፡ እሊ ህዩ ክም ተሀድእ ወትረወግ እግል ሊዴካቲ፡ ወእብ ምልሃክ ተዋዝንክ እንዴ በለሰክ አክል ሕድ ልብ ክም ትከሬ እግል ትግበእ ቲ።

ከደን ፍገር ወትዛወር
መዛጃክ እት ልትሐምፈግ እቲ እዋን፡ ርሕክ እብ እት ድዋርክ ለትትረከብ ግርመት ጠቢዐት ክም ተሀምግ ውደዩ። ዶል ለእለ ተሐርቃተ አውመ እንተ ለትትሸህ ጋራት አፎ ኢገብኡት እግልዬ ትብላት’ አውመ ዶል ትትዐክን ወነፍሰክ ተኣኪቲ፡ እት ዶል ለህ እንዴ ዛወርክ ወእብ ግርመት ናይለ ድዋራትክ እንዴ ሀመግክ ዶል ተዐቀብል፡ ክሉ እንዴ ትገልጠጠ ምንክ ከእብ ራሐት ወፈይገት እግል ትሸቦር ቲ። ነፍሰክ እት ገለ ወቀይ ሸመመ፡ ኒበል መጋይሱ፡ ዘወርት ዐጀለት፡ ሰዐይ፡ ወሕምባላ ለመሰሉ ጋራት እቶም ዶል ትፈርረ ተዋዝን እግል ትብለሰ ወእግል ቲራግ ቲ።

አሰክ ግይ ለትነሰክ ገበይመ አክል ሕድ አምረ
ክሉም መሳኒትኩ ግይ ጽምእ

ሌጠ እግል ተኣርዋ እቡ ትትነዕ እቡ መሰል እቶም። እንዴ ደገምክ ሕሰብ! እግል መዛጃ ሕምሩግ ምን ግይ ለልትረከብ ሰራይ ወመትዓፋይ ሰኒ ብዙሕ ቲ በህለት ግይ እግል ሀዳኡት ወረዋገት መዛጃት ለለሀይብ መንፈዐት ሰኒ ለተኣትዐጅብ ቲ። ከሐቆ እለ ገብእ፡ እት መጽእ ወቅት መዛጃትክ ልትሐምረግ አውመ ቅሩብ እት ትትዐክን እት ተኣንብት እቲ ወቅት፡ ሐቆ ሳዐት ሳዐት ከክባዩት ናይ ግይ እለ ገርዴዕ። ወምሰል እሊ መ እት ግይ ለብእቲ ባካት ዘወር ውዴ፡ ወእብ ዕንክ ዕፈዩ፡ አውመ ለክርኩ አተንሴ። ወትቀደረት ምን ግብእመ ክሉ ለገርብክ እት ግይ ቅመሹ፡ በህለት አው ሐማም እቲ።

ሐር አቅምት
ሐር እንዴ አቅመትክ እግል እለ

እት ትትብር ለህሌክ እዲነ አትዋይነ ወአትቃምተ። ረኣሰክ ክብ እንዴ አበልከሁ እግል እት ሰመ ለህለው ከዋክብ አትቃምቶም፡ እግል እት ሰመ ልህለው ከዋክብ ወምሰሉም ለህለው ፕላኔታት ፈርጎም። ለምሽክለትክ ህዩ ምሰል ምርት ምን እሉም እት ቀደሚክ ለአንጨዋርሐ ለህሌክ ከዋክብ አትባድረ። ምን አመረ ለጋራት አክል ሕድ ክመ ፍንጌ ክልኤ አቅሕሞተት ለገብእ በኣስ እግል ትምሰልመ ትቀድር። ክምሰል እሊ ለመሰል የም አለቡ መሻክል ሀለ። ለእዲናክ ብዙሕ ወቀይ ለለአትሐዝዬመ ኢትመሰል፡ ለጋራት ሽክሎት ናይ ጋራት ልግብኣ መሐዋድሰ ሌጠ ለአትሐዝዬ፡ ከእንተ እብለ ትመሰል ገበይ ፈክር። እት ዶል ለህ ለምሽክለትክ እት ዶል ሐል እግል ትርከብ እላቲ።

ዝበድ ዛዖታት

ትሳረሕ እግልኩ፡ ክም ካልኣይ ከደር እት ትገብእ እቲ ወቅት ትሳረሕ እግልኩ። እንተ ትትዓመል እብ ለዐልክ ገበይ፡ እግል ብዕድ እግል ለአትጣዕም እንዴ ቤለው ዶል በዱለ እኩ፡ ግድም ትሳረሕ እግልኩ። ዶል ልዲብ ጀንቢል እሕትዶጢ በህለት አሳሲ አውመ እት ሰልፍ ክም ይህሌክ ልትአመረካቲ፡ እለ ምን ገብእ ግድም ትሳረሕ እግልኩ። ደለ ጀላብክ ትገብእ ክለ ምን ባብ ዋጅብ ሌጠ ትግብእ እግልክ ክም ህሌት እት ትሸዕር እቲ ወቅት፡ ግድም ትሳረሕ እግልኩ። ትሳረሕ እግልኩ፡ ፈተ እምበል ሕሸመት እግል ትትገሴ ካፍየት ሰበት ኢኮን የለ ግድም ትወክል ትሳረሕ እግልኩ።

እዲነ ከባሪ ሌጣቲ፡ ወእሊ ከባሪ እሊ እግል ትትዐደዩ ብእትኩ፡ እብለ ህዩ ምን አመረ ረቢ መንገእት መትብዳል ወመትቀዳም ገጽ ቀደም ፈቲሕመ እክ ኢኮን፡ ምናተ እሊ ምስጢር እሊ እት ዶል ለህ እግል ትፍሀመ፡ ለኢትቀድርመ እግል ልግበእ ቀድሮ፡ ከእለ አማን እለ ሐር እግል ተኣምራ ቲ። ለገብኣ ተዋልል ሐቲተ ከናየ ለተኣደርሱ ልባብ ብዲቡ፡ ወለገብኣ ልግበእ መውቅፍመ ለለሓልፈ ልእከት ብዲቡ።

ከምን ኬን አሸዋክ ዕምባብ ክም ሀኩ፡ ወምን ኬን ዕንባባመ አሸዋክ ክም ኢልትሰእን እግል ትፍሀም ወለገብኣ ተዋልል ሐቲተ ከእብ ሰብር ወፈጥን እግል ትትቃርሐ ለአትሐዘ። ከሓምለት ወቀልዐት ክልኡት ገጽ ናይ እለ እዲነ ሰበት ቶም፡ እግል ሓምሎም ኢትትፈገዕ ወላመ ቀልዶም እግል ለሓምጠክ አለብ፡ በህለት ለምርቶም ምን ኢለዐሌ ለምርቶም ህዩ ምን ወደለዩ፡ በርሀትመ ጽልመት ተኣትኣምረ። ወዋዕም ወመራርመ እት ክምሰልህን።

በህኡ

- ለሰሕቅ ለእለ ትወዴ እግል እት ድዋራትክ ለህለው ክም ትብድሎም ውዴ ኢንዴኢኮን፡ እት ድዋራትክ ለህለው እግል ሰሕቅክ ክም በዱለ ኢትግበእ።
- አክትብት ክመ እት መሳኒት ቶም፡ ህቶም ሐዳም ወተማም እንዴ ፈጠንክ ለተሐረው እግል ልግብኣ ብዲባም።
- እግል ትትሃጌ ሐቆ ተሐዜ ህሌኩ እክል ሕድ ለእለ ትብል ህሌክ አምም ክም ህሌክ ተኣከድ።
- ምን እህማል ወኬን ለኣክ ጋር ህለ ምን ገብእ፡ ምኑ ለለኣኬ ዓዛር ዶል ትቀድም ቲ።
- ምኬሔ ዐዱ ሸንሀት ወለእሉ ትመልክ ጋራት ክሉተ። ህተ ዐዶ በሻለት ወፍድብኩ፡ ዐዶ እት ሸቅል ምሰል ብዕዳም ለትወድዩ ምስገዮት ወመትፋሃም ቲ።
- ክል ዶል ጠሬዕ ወእብ ዋጅህክ ጋራት ተሐርቅ ወትትጀረሰ ገብኣክ ምን ገብእ፡ ለልትዓመሎ ምሰልክ ህለው አዳም እግል ረዩም ወቅት እግል ልትሐመሉክ ኢቀድር።
- እት ቅብላትለ ዋጅህክ መሻክል ወመታክል ለተኣርእዩ ሰብር፡ ሐምዴ ለተኣሰትህል እት ጠቢዐት ቲ።

ልባብ

ብርቱካን ምን ቱፋሕ እብ ሚ ገብእ ልትፈንቴ ! ?

ለኡስታዘት እግል ደረሳይ አወላይ ፈሰል ለዐለ ጀኔታይ ክም እለ እት ትብል ትሰኣለቲ፡ - ኣነ ሐቲ ቱፋሕት እንዴ ሀብኩኩ ሐቲ ምን እደግመኩ፡ ወአሰራመ ሐቲ ምን እወሰከኩ፡ ምስልክ ለሀለዩ ቱፋሓት ዕልበን ክም ገብእ? ለደረሳይ እብ ደማንት ነፍሱ፡ አርበዕ ትፋሕት ገበኦ እት ልብል በሊሰ ሀብ። ለመብመብ ለደረሳይ ምን አመረ የምክን ሰኒ ኢሰምዐየ ገብእ ሰበት መሰለየ ለሱኣል ምን ሐዲስ ደግመቲ እሉ። ለጀኔታይ እግል መደቲት ሐሰበ ወበሊሰ ብዕድ እግል ልርከብ እብ አጩብዓቲ ነኣይሸ እት ለዐልብ አንበተ። ምናተ እምበለ በሊሱ ለቀዳም ብዕድ ኢረከበ። ከወተእተእ እትልብል እለ መረት እላመ አርበዕ ለልብል በሊሰ ሀብ። ገጽለ ኡስታዘት አሻይር በቲክ ሰእየት ትረኣ ዲቡ። ምናተ ኢጠብረት። ለሕግን ብርቱካን ክም ፈቲ ተኣ'ምር ሰበት ዐለት። እለ መረት እለ እብ ብርቱካን ትሰኣለቲ። ከክም



እለ ትቤ። ብርቱካንት እንዴ ሀብኩኩ፡ ከካልኣይት እንዴ ወሰኩክ ሓሪት ምን እደግመክ ለምስልክ ሀለዩ ብርቱካን ክም ገብእየ?

ለጀኔታይ ወቅት እንዴ ኢለኣበዴ ሰለሰ ብርቱካንት ገበኦ እት ልብል በልሱ። ለኡስታዘት እሊ ሰበት አትናየተዩ። እብ ሐዲስ ምን ቱፋሓት ትሰኣለቲ። ህቲመ ክመ እት በዲሩ አርበዕ ቱፋሕት እት ልብል በልሰ እሉ።

እለ ክም ሰምዐት ሰኒ ሐርቀት ወክም እለ እት ትብል ተሀራሀራቲ፡ ፍንጌለ ቱፋሓት ወለ ብርቱካንት ሚ ፍንቲት ሰበት ረከብኩቲ?

ለጀኔታይ ለክርኩ እብ ፈርሀት እት ተኣርዐዴ፡ ዲብለ ቦርሰትዬ ምስልዬ ሐቲ ትፋሕት ሰበት ዐለት ቲ ቤለየ!

ኦርቶም እንተ ሕሳብክ ለይኣቲካሁ አውመ ትታከዩ ለይዐልክ በሊሰ ዶል ለሀይበኩ፡ ለበሊሱ ቀለጥ ህለ እንዴ ትቤ ኢትሕክም እቲ። ምን አመረ እንተ እት ወግም ለይኣቲካሁ ጀዋንብ ሰበት ኢልትሐገል። ወእግል ትፍሀም ሰኒ ልብ እንዴ ከሬክ እግል ትሰመዕ ብእትኩ። ወእንተ እብ ኖሰክ ለኣዳሌካህ ፍክረት አው በሊሰ እት ረኣሰክ እንዴ አዳሌክ ኢተኣተንሴ።

ተብሰም



እናሰ ውሕር ዐለ። ለእናሰ ኩርሲ አክል ብዋረት እናሰ ለገብእ ዐለ እሉ። ከዶል ለነብረ እግል ልብለዕ ለሐዝዶተ እት ረኣሱ ፈግር ከደለ እብ ባኩ ሐልፈ ነዐ መለሀይ ቀደም በል እት ልብል ልትላከዩ። ለነፈር ወለ

ንዩትመ ተሀሌ እሉ ምግሳይ ክም ኢረኣ ትም እት ልብል ለሐልፋ ወህቲ ለነብራሁ በልዕ ነብረ። ሐቲ አምዕል እት ረኣሰለ ኩርሲሁ ለውቁል ስቁል እት እንቲ ወነብራሁ እግል ልብለዕ እት ልትዳሌ ኦሮት መንደላይ አበ ጀፈሩ ሐልፈ። ህቲ ህዩ ክመ እት አመሉ፡ መለሀይ ነዐ ቀደም በል ትጸበሕ ምስልዬ ቤለዩ። ለመንደላይ ህዩ ማን ወገለብ ምን ትዋለበ ምግሳይ ሰኣነ። ሐቆ እለ ልጢሾ ምን እዴሁ ለጥ አበለየ ወእት ምድር ጀግሐ እለ ወእግል እናሰ፡ “መለሀይ ሸንሀት ናይ ነብረ ብክ ምን ገብእ እትሊ ምድር ትከሬ” ቤለዩ።

ለመንደላይ ሐቆ እለ ለነብረ ትገሰ እለ ወአሰክ ትትወሔ ላወሸ። እት ደንገበ ሐቲ ልቅመት ወድቀት ምኑ። ህታመ ሀረሰየ ወምን ጨበል ምስሰ አበለየ ከእግል ሼጣን ላተ ይሐድግ ቤለ ወእተ አፋሁ ሎሸዩ።

ለእናሰ ህዩ እት ውቅልት ምግሳይ እት እንቲ ኩሉ ለመዋዲቲ ለአተቃብሉ እንዴ ዐለ እለ ክም ሰምዐ፡ ያረይ የሀ እለ እንተ እግል ሼጣን ኢኮን እግል መላእከት ለመቀረቢንመ ይሐድግካህ! ቤለዩ።

ወሐር ምንተ ሰምክ? እት ልብል ትሰኣለዩ። ኣነ አግሀጽ ልብሉኒ ቤለዩ።

ህቲ ህዩ፡ ኣላሁ የዕለም ዋልዴንክ እት ዘማኖም ምኖም ለለዐቅል ወዝያዶም ለለኣ'ምር ላቲ ዐለ ኢመሰለኒ። ለሰምክ አክል አሕድ ሀበዉካ ተ ቤለዩ።

ወሐቀለ አምዕል ለሀ ለኣከደለ መዋዲቲ ህቲመ ጠለቀዩ።

ሐይሳም ወሐይሳት ቁርኣት ጀሪደት ኤረትሮፕ ሐዳሴ ዲብ ሐልፈ ወሬሕ ማርስ ናይ ሰነት 2025 አንፋር ቅስም ጀሪደት፡ ባርንቱ እንዴ በጽሐው ምስል ዲብ ባርንቱ ለነብር ምናድሊን ወእባመ ምር እንክር ፈናኔን ለበለው ሰብ ጸው ሓምድ አድም መሐመድ ቡመር ወፋጥነ ማሕሙድ (ፋጥነ ነቅፈ) ለገብአት መቃብለት ዮም ዲብ ዓሙድ ፈን ወግዳት እግል ንትናወለ ፈቴኑ ክቅራኣት በኪተት፡

አሰልፍ ዶር ፈን ዲብ ንዳል ተሕሪር ሚ መሰል ክምሰል ዐለ አሰይድ ሓምድ አድም ዲብ ልትሃጌ ክእነ ልብል፡

ፈን ዲብ ተጽርቦት ንዳል ተሕሪር ኤረትሮፕ እብ ዓመት ወዲብ ጀብህት ሽቦብየት እብ ፍንቱይ ረኤናሁ ምንገብእ፡ እብ ቀሎ ቀሎ ለልትረኤ ኢኮን፡ እግልሚ ፈን ሽቦር ወጠን ወሰከ ወፈን አናደለ ወተሓረቡ፡ ተንዝም ጀብህት ሽቦብየት ዶር ፈን ሰበት አመረ ይህመሸየ፡ ዝያደት ክምሰል ልጠወር ወለዐቤ ህዩ ወደዩ፡ እብሊቱ ህዩ ምን ሰር ሰብዓታት እንዴ አሰተብዴት በዲር ቅዋት ሽቦብየት ተሕሪር ኤረትሮፕ ወሐር ጀብህት ሽቦብየት ፍረቅ ዓዳት እንዴ ከወነት፡ እብለት ፈናተ ሀገጊት ዐድኑ፡ ክምሰልሁመ ምስል ዐለ መራሕል ንዳል ለገደሰ ለትፈናተ ሐልየት እግል ልትሐሌ አሰተብዴ፡ እሊ ሐልየት ወተማሲል እሊቱ ህዩ ሽባብ ዲብ መጦር ሰውረቶም ክምሰል ልትዐንደቅ ወሰብቶ ወዴ ለዐለ፡ እሊ ሕላይ እሊ እንዴ ሰምዐው ዲብ ሰፋፍ ንዳል ለተሓበረው ሽባብቶም ህዩ ሕርየት ለአምጸአው፡

ዲብ ሰነት 1977 አደም ተሕሪር መዳይን ጀብህት ሽቦብየት ትግበእ



አሰይድ ፋጥነ መሕሙድ

ዓዳት ወነባሪ መጅተመቅ ክምሰል ልትሐፈዝ ወዴ ወእብ ካልእ ህዩ እግለ ዲብ ጀብሃት ሐርብ ለዐለ ጃሽ ልግበእ ወዲብ ድጌ ሰውረት ለዐለ አጅህዘት ናይላ ተንዝም ለአትፋዜቅ ወለአትናይት ለዐለ እቱ ወክድ ቱ፡ እብሊ ፈን አነት ቀላል ክምሰል ይዐለት ልትአመር”ልብል፡

አሰይድ ፋጥነ መሕሙድ ጸዋይቱ እግል አሰይድ ሓምድ አድም ተ፡ ፋጥነ እት ሰነት 1977 ዲብ ንዳል ክምሰል ተሓበረት አሰልፍ ዲብ ብሌቃት ተድራብ ዐስከሪ ክምሰል ነሰኣት ሐቀሁ ዲብ ፍርቀት ዓዳት ተንዝም ትወዘዐት፡ እተ ወክድ ለህይ ፍርቀት ዓዳት ተንዝም ዲብ ሰምሀር ‘መንተብሌ’ ለትብህል አነን ዐለት፡

ፋጥነ ዲብ ፍርቀት ክምሰል ተሓበረት አሰልፍ ለትፈናተ ለትሰጀለ ወኢትሰጀለ ሕላይ ሐሌት፡ ሐቱ ምነ ዲብ አሸርጠት ለህሌት ሕላየተ ህዩ “እምበርሸረክ ሽቦብ እብ ሕርየት” ለትብል ዲብ ወክድ ለህይ ምስል ተሕሪር መዳይን ዝያደት ሽህረት ለዐለት እሊ ሕላየት ተ፡ ፋጥነ ህዩ እግል ሰልፍ ኢነት እብሊ ሕላየት እላተ ዲብ መሰረሕ እንዴ ዐርገት ለሐሌት፡

ሓቀ እንሰሓብ እስትራተጂ ፍርቀት ዓዳት ተንዝም ክምሰል ክሉ አጅህዘት ተንዝም እንዴ አንሰሐብት

እሊ ሐልየት እሊ ለዝያደት ሽህረት ለዐለት እሊ ሕላየት ‘ኦብሸርኩም ወሽቦብ’ ለትብል እትገብእ፡ እሊ ሕላየት እሊ ፍሰሃዬ ደባሳይ ወለድወዩ እት ገብእ ፋጥነ ህዩ እብ ጥዕም ሕልቅመ ሐሌተ ወእብ መትፈርጀት ህዩ ቅቡልየት ዐባይ ረክበት፡ ከፈርየት ናይላ ሕላየት ክእነ መሰል፡

ኦብሸርኩም ወሽቦብ ኦብሸርኩም ወሽቦብ ሰውረት እግልኩምተ ፋግረት እግል ሕርየት ተአምጸአኑ፡

ከም ደም ሽባብ ትክዐ ዲብ ሳሳት ወኢድብር እግል ሕርየት ዐድነ ዳፈንናሆም ሐንድ ምድር

ኤረትሮፕ እግል ንርኩብ ከም ሽባብ እግሎም ሁብ እሊ ምንዲ ይእንወዴ ኢትትረኩብ ዐድኑ፡

ኢነሐድጉ አባይን ምን ዐድነ እንዴ ኢፈግር እግል ንደውሸሽ እስትዕማር ሰንሰለቱ እግል ንሰበር

መገጽሕነ እሊቱ ገቢል ረህየት እግል ልርኩብ ወኢክረቱ ኤረትሮፕ ዲብ እዳነ እብ ደም ሽባብ፡

እሊ ሕላየት እሊ እብ ፍርቀት ዓዳት ብርጌድ 70 እብ ፈናኒት ፋጥነ መሕሙድ ትትሐሌ እቱ ለዐለት ወክድ፡ ሽባብ ብዝሓም ምነ እንዴ ትብገሰው ዲብ ሰውረቶም ለተሓበረው ዐለው፡ እሊ ህዩ ዶር ፈን ዲብ ንዳል ተሕሪር ቀሊል ክምሰል ይዐለ ምነ እተ ወክድ ለህይ ልትሐሌ ወልሰንቁ ለዐለ ሐልየት እግል ንፍህሙ እንቀድር፡

እምበል እሊ ፋጥነ ግሪ ዲብ መደት ንዳል እንዴ አቅበለት ለእተ ወክድ ለህይ ልትሐሌ ለዐለ ሐልየት ዲብ ሽቦብ ሰሙድ ወኤማን ወሰክ ክምሰል ዐለ፡ እብ ፈድል እሊ ፈን አው ሕላይ እሊ ህዩ ሽባብ ዲብ ሃይሞት ዲብ ልትባደር ጀላብ ወጠን ወሽቦብ ልትሓረቦ ወኢርወሐቶም ቃልየት ሰብሎ ክምሰል ዐለው እት ዮም እንዴ ገብአት ተሓከ፡ እብ ፍንቱይ ለዲብ ብርጌድ 70 ዲብ እንተ ተሐልዩ ለዐለት ሕላይ ህዩ ዲብ ሰዱድ ወክድ ንዳል ሰበት ዐለ እሊ መሰደድ እሊ እግል ልትሐላፍ ወዲብ ፍሪህየት እግል ንምጸእ ለፈን ዶር ዐቢ ዐለ እሊ” ትብል፡

ሓምድ ግሪ እንዴ አቅበለ ዶር ፈን እቡ ልትሃጌ እት ህላ፡ እሊ ፈን ዲብ ንዳል ወዲብ ሐርብ ሌጠ እንዴ ኢገብእ፡ ዲብ አፍዘየት ዝሞት ወዐንደቀት ሽባብመ ዶሩ ዛይድ ዐለ፡ እግል መሰል ኢነ ዲብ ገዳረፍ እተ ዐልኮ እቱ ወክድ ዲብ ሰነት 1984 ፍረቅ ዓዳት ተንዝም ወቀይሒት ዕንባብ ወ52 ዲብ ሱዳን ጀውላት ወዱ ዐለው፡ ለጀውላት ለህ ክሉ ረኣሰ ይእትረሰዐ፡ እግልሚ ዲብ ወክድ ለህይ ምስል ዐለ ተሕሪር መዳይን ወእብ ፍንቱይ ሰነይ ወዐሊ

ወግድር፡ መደውሻሽ ናይላ ዲብ ቅብለት ሳሕል ሻፍፍ ለዐለ ውቃው እዝ፡ ዐመልየት ኮማንዶ ዲብ መከረዩ ጥያራት አሰመረ ወለመሰሉ ለሽቦብ ምስል ዐለ እሊ መፅውያት ዝያደት እሊ ፍረቅ እሊ ክምሰል መጽአ ሽቦር ወጠኑ ዝያደት ዐባረገ፡ እብሊ ህዩ ሽባብ ኤረትሮፕ እብ ብዝሐ ዲብ ሰውረት ፈግረ፡

ዲብ ሚዳን ክምሰል መጽአኩመ ዲብ ፍርቀት ዓዳት ክፈል ጃሽ 74 ትዩመምኩ፡ ኢነ ወፋጥነ ህዩ ዲብ እሊ ፍርቀት እሊ ትዋጀህ ወቅሰመትነ እንዴ ገብአት ህዩ ዮም ሰብ ዕያም ወሽራኩት እንዴ ገብአነ እነብር ህሌኑ፡ ዲብ እሊ ፍርቀት እሊ ዲብ ሕነ ጀውላት ብዙሕ ወዴኑ፡ እብ ፍንቱይ እሊ ወክድ እሊ ወክድ ሰእየት ሰበት ዐለ፡ ፍርቀትነ ምን ኤረትሮፕ እንዴ ትብገሰት ዲብ ሱዳን እብ ፍንቱይ ህዩ ዲብ ከረ ቶከር፡



ፍርቀት ዓዳት ጀብህት ተሕሪር ኤረትሮፕ

መራፊት፡ ዐገግ፡ ዐይተርብ ወቅሮረ አርኤነ ወእብሊ ሽባብ ብዝሓም እሊ ዕፌ እሊ እንዴ ረአው ምንኩም ይእንተርፍ ለቤለውናመ ዐለው፡ እሊ ህዩ ሚ ለርኤክ ዶር ፈን ዲብ ንዳል ተሕሪር ዛይድ ክምሰልቱ ትትዩቀን፡ እብሊ ህዩ ዶር ናይ ፈን እትሊ እንዴ ተሃጌነ እግል ነአትምሙ ይእንቀድር”ልብል፡

ፋጥነ ዲብ እሊ ሓምድ ልብሉ ለዐለ ዲብ ትወሰክ ክእነ ትብል፡

አማንቱ ዶር ፈን ሰር ናይላ እብ ሰለሕ እንወድዩ ለዐልነ ንዳልቱ ምን ልትብህልመ አትካባድ ኢኮን፡ እሊ ምንገብአቱ ህዩ ለተንዝም እግል እሊ እብ ሐቱ ፍርቀት ዓዳት ለአሰብደዩ ወራታት ፈን ምን ወቅት ዲብ ወቅት እህትማም እንዴ ሀብ ምን ሰርየት ወጦጦኢ እንዴ አሰተብደ እት በራጊድ ወክፈፍል ጃሽ እብ ምር እንክር ክምሰልሁመ ዲብ አጅህዘትመ ረኤነ ምንገብእ፡ ክምሰል ሸኡን እጅትማዕየት፡ ፍረቅ ዓዳት፡ ባነ ሓርነት ናይ አዋልድ አንሳት መዐስከር ሰለሙነ፡ ሕጃባም እንዴ ኢተርፎ ፍረቅ እንዴ ከወነው፡ ለትፈናተ ወራታት ፈን እግል ሽቦብ ወጃሽ ቀድሞ እት ህለው፡ አስክለ ዲብ ሐንቱ ጀብህት ሽቦብየት ለዐለው አሲሪን አባይ እንዴ ኢተርፎ ‘ኢምባክል’ ለትብል ፍርቀት እንዴ ከወነው ለትፈናተ ሐልየት ወተማሲል ቀድሞ ዐለው፡ እሊ ህዩ ዶር ፈን እብሊ ገብአት ቀሊል ክምሰል ኢኮን ለርኤነ”ልብል፡



አሰይድ ሓምድ አድም

ሓምድ ወፋጥነ ክልኣት ሰብ ዕያል ዲብ ፍርቀት ዓዳት ክፈል ጃሽ 74 ክምሰል ሐልየት፡ ምቀድመት አው አናውሰትራት ወምመሰለት እንዴ ገብአው ለከድመው እቱ ወክድ ወዲብ ደንጎባመ ፍንጊሆም ዕላቀት እንዴ ወደው ወእት ደረጀት ህዳይ እንዴ በጽሐው ማሸኣለ ወትባረከለ ወለድ፡ ረሽ ወኢድም ወለደው፡ ፋጥነ ምን ጃሽ ክምሰል ትሳረሐት፡ ክምሰል ሰዋጊት ወዲብሊ ዲብ ክርን ገቢል ትትቀደም ለዐለት ተምሰልየት መሰለት፡ ሓምድመ ክምሰል ሱሕሬ ወሙመሰል እንዴ ገብአ ዲብ ምን ሰነት 1994 አሰክ ሰነት 2001 ዲብ ክርን ገቢል መዳልያይ በራምጅ ወእብ ፍንቱይ ክሉ መተንሰያይ ፈትዩ ለዐለ ዲብ ክል ሰንበት ዐባይ ለትትቀደም እብ አቡዬ ጅምዕ ለልትአመር ተማሲል ሐጪር ሸቀ ወዝያደት ሽህረት ዐለት እሊ፡ ሐቀሁመ ወኪል ውካላት አክባር እንዴ ገብአ ዲብሊ በዝሐ አቃሊም ዐድነ ሸቀ፡ ዲብ ደንጎብ አሰክ እሊ ወክድ እሊ ህዩ ዲብ ጀብህት ሽቦብየት እግል ዲሞቅራሚየት ወዐዳለት ህላ፡ እተ ሐልፈት ሰነት ሳኪን ህቱ ወበዓል ቤቱ ፋጥነ እት መሰልሰል ረብዐት እግል ልመሰሉ ቀድረው፡ አሰናይ ዲብ ለአሙሩ ወራታት ፈን እግል ልሻቦብ አሰተብደው፡

ዲብ ደንጎብ ሓምድ አድም አዜ ለህለ ፈን እቡ ዲብ ልትሃጌ፡ ሐቀ ሕርየትመ ፈን ዶሩ ክሉ ሻህደዩ፡ መደት ወራራት ወያኔ ክሉ ልክተት እንዴ ትብህሉ፡ አዳም ክሉ እብ እሊ ቡ ሐሊት ወምህነት ዲብ አፍሸሎተ ወራር ልትብገሰ እት ህላ፡ ለሐቀ ሕርየት ሽውዩ ባርድ ለዐለ ወራታት ፈን ምስል ወራር ዝያደት እንዴ ሐሰሰ ፍረቅ ዓዳት ዲብ ክሉ ጀብህት ሐርብ ዲብ ልትሐረኩ፡ ምስል አዋይን ለገደሰ ሐልየት ወተማሲል ዲብ ልዳሌ ለወራር እብ ሰለሕ ሌጠ እንዴ ኢገብእ እብ ፈንመ ክምሰል ተሓረብናሁ ለርኤክ፡ ሰበት እሊ ፈን አነት ዐባይ ሐቀ ገብአት፡ ዮመ ክመ እት ማሌ እህትማም እግል ልተህቡ ለአሰትህል፡ እብ ፍንቱይ ዲብ ትግራይት ረኤነ ምንገብእ ዲብ እሊ ወክድ እሊ ሕዳነ አዋልድ ልትረኤ፡ ሳኪን ዲብ ተማሲል ወድራማታት ወዲብ እሊ ገብእ ለህለ መሰልሰላት ትግራ፡ ብዙሕ ሰእየት ለለህይብ ዐባት ዲብ ትትረኤ ትገደሰ ህሌት” ልብል፡




ፍርቀት ዓዳት ጀብህት ሽቦብየት (ኦራግ 1979)

ወጀብህት ተሕሪር ኤረትሮፕ እብ ጀህት ጀህተን ፍረቅ ዓዳት እንዴ ከወነዩ ዲብ ከርስ ሽቦብ ወምናድሊን ጀውላት ዲብ ገብእ፡ እብሊ ወራታት ፈን ገቢል ፈዜቅ ልትነዝም ወልትዐንደቅ ለዐለ እቱ ወክድ ቱ፡ ሐቀ እንሰሓብ እትሰፍራተጂመ እብ ፍንቱይ ጀብህት ሽቦብየት ረኤነ ምንገብእ፡ ምስል ገብእ ለዐለ ምህለት ለኢሊህይብ ሐርብ፡ ፈን አነት እንዴ ተአመረት እሊ፡ እብ ቦጦሎኒታት ልግበእ ወበራጊድ ሐቀሁመ እብ ክፈፍል ጃሽ ለትፈናተ ፍረቅ እንዴ ትከውነ እብ ምር እንክር፡

ዲብ አራግ ሐቀለ ጸንሐት፡ ዲብ ሰልፍ ሰማንያታት ለዲብ ጀብሃት ሐርብ ለዐለ በራጊድ ክሉ ፍረቅ ከውን ሰበት ዐለ፡ ፋጥናመ ምስል ቡመር ሳልሕ ወፍሰሃዬ ደባሳት (ወድ-ከረን) ዲብሊ እት ጀብህት ነቅፈ ሻፈት ለዐለት ብርጌድ 70 ትዩመመት፡ ዲብ ህዩ ለትፈናተ ሕላይ ሐሌት ገሌ ምነ ዲብ ብርጌድ 70 ዲብ እንተ ለሐሌቱ ሐልየት ምነ እንረኤ፡

‘ኦብሸርኩም ወሽቦብ፡ ከድራ፡ ውዳይ ቤልሰት ሐር፡ ሰውረትነ ንቅብ ወለመሰሉ፡ ሐሌት፡ ምን



ጅግራታት ርድደት መዳርስ ግብረት ምውዳቅ ጸሐይ ሄሰመረቱ መ



ጅግራታት ርድደት ፈሬዕ ውዛረት ተዕሊም - ግብረት ምውዳቅ ጸሐይ አስመራ፡ ለሐልፈ ሰነብት እት ሚዳን መድረሰት በሐር ቀየሕ ተመ።

እብ ኮበሪት እግር፡ ምን መዳንብታይ ዓማር 10 ወ11 ሰነት አዋልድ፡ መድረሰት ቅሳነት፡ መድረሰት ደብርሰላ ወመድረሰት ዐዲአቤቶ፡ ምን አወላይ አስክ ሳልሳይ ፈግረዩ፡ ምን ነፍሱ ለዓማር ውላድ ህዬ፡ ሰምበል፡ ቅሳነት ወፈለጌ እብ ተርቲብ

ደርብ-ሕድ ተዐወተው። እት ኮበሪት እግር ምግባይ ደረጃት ዓማር 12 ወ13 አዋልድ፡ መዳርስ ሓድነት፡ ናጽነት ወሰምበል እብ ቀደም ትሌ ፈግረዩ፡ ምን ውላድመ፡ መድረሰት ፈለጌ-ሂወት፡ ናጽነት ወሰምበል ተዐወተው።

እት ሾሊቦል ምግባይ ደረጃት፡ መድረሰት ሓድነት አወላይት እት ፈግር፡ መዳርስ ሰምበል ወናጽነት ደርብ ተለዩ፡ እብ ውላድ ህዬ፡ መዳርስ ሰምበል፡ ሓድነት

ወናጽነት ተዐወተዩ። እብ ኩረት ሰለት ህዬ እብ አዋልድ መዳርስ ሓድነት፡ ሰምበል ወዐዲአቤቶ፡ እብ ውላድ ህዬ ናጽነት፡ ሓድነት ወሰምበል ምን አወላይ አስክ ሳልሳይ ትረተበዩ።

እብ ለኪፍ ምደድ-ሐጺን ምን ምግባይት ደረጃት፡ አወላይት ባትሴባ ጉርጃ ምን መድረሰት ናጽነት፡ 2ይት ሪም ተክሌሀይማኖት ምን ፈለጌ-ሂወት፡ ሳልሳይት ነብያት ጎይትኦም ምን መድረሰት ዐዲአቤት ፈግረዩ። ምን ውላድመ፡ ዮናታን ዐንዶም ውበእምነት ግርማይ ክልኢቶም ምን መድረሰት ሓድነት፡ ወዮሲያስ

ጉበረሂወት ምን ዐዲአቤቶ ትነሰረው።

እብ ለኪፍ ከወኒመ፡ ሳብሪና ጉዕሽ - ሓድነት፡ ሊድያ ሰሞኦን - ዐዲ አቤቶ ወቤተልሄም ሀብቶም - ሰምበል ተዐወተዩ። ዮናታን ዐንዶም - ምን ሓድነት፡ ሚሮን ሰሞኦን - ምን ዐዲ አቤቶ፡ አቤል አማንኤል ህዬ ምን መድረሰት ሓድነት ቶም ጀዋእዝ ለነሰአው።

እብ ለኪፍ መሸረፈት-ሐጺን (ዲስክስ)፡ ፌሽን ዳንኤል ወደሊና መብራህቱምን መድረሰት ሓድነት፡ ሚካል ሙሴ ምን መድረሰት ዐዲ አቤቶ፡ ክምሰልሁመ ሳሙኤል ተክሌማርያም - ምን ፈለጌ-ሂወት፡ አቤል አማኑኤል - ሓድነት፡ እዮቤል ብንያም - ፈለጌ-ሂወት፡ እት ክምሰልሁን ተርቲብ ሰልፋያም ረክበው።

እምበል እሊመ እት ብድረ ዐጀላት ማውንተይን ባይክ ዓማር

12 ወ13 ሰነት፡ ህያብ ጊላይ ምን ሓድነት፡ እግል ሄራን ግርማይ - ፈለጌ-ሂወት ወሆሳኢና ፋሲል - ናጽነት እንዴ መርሐት አወላይት ኡብሀዘት። እት ነፍሱ ለዓማር ምን ውላድ ናታን ፋኑስ - ፈለጌ-ሂወት፡ እሰይ - ሓድነት ወሰናይ ጸጋይ - ፈለጌ-ሂወት ተዐወተው።

ምን ዓማር 14 ወ15 ሰነት ውላድ ህዬ፡ ንፍታሌም አቤል ወእሰይ ወልደሩፋኤል ክልኢቶም ምን ሓድነት፡ ክምሰልሁመ ፍሊጸስ ወልደሚካኤል ተዐወተው፡ ካሴ መዳልያት፡ ልባስ ወክወር ህዬ ነሰአው።

እትሊ ሰስ ጅንስ ርድደት ወትልህያታት ዐዋዲ ለሐየበ ጅግራታት፡ ቅያስ 1500 ደረሳይ/ት ሹርካም ክም ዐለው፡ ምን ፈሬዕ ተዕሊም ናይለ ምዴርየት ለትረክበት ሐብሬ ተኣክድ።

ጅግራታት ርድደት ጅብህት ምፍጋር ጸሐይ ለአተላሌ

ጅግራታት ርድደት ጅብህት ምፍጋር ጸሐይ፡ እብ ለትፈናተ መጃላት ለሐልፈት ሳምንመ ትሉሉይ ዐለ።

እብ ውላድ፡ እት ዮም 17 አፕሪል ፍረቅ ኮበሪት እግር ራስዱሚረ ወድራጎን ተዐወተው። ድራጎን እብ ያፌት ሐሰን ክልኦት ጎል፡ ራሱ ዱሚረ ህዬ እብ ሮቤል መድሃኔ ወመሐመድ ዑስማን በርዱ ክልኦት ጎል እንዴ አተው። 2-2 ትፈናተው።

እብ ሾሊቦል አዋልድ ህዬ፡ ሰዱሕ ዔላ እግል ራስዱሚረ 2እብ0 ወድራጎን እግል ሰላም 2እብ1 ቀልበያህን። እብ ኩረት ሰለት አዋልድመ፡ ቢሻ እግል ድራጎን 23እብ18 ወሰላም እግል ፍልፍል 44እብ19 አጅገረዩ።

እት ዮም 18 ዲበ ገብኦት ትልህዩ ኮበሪት እግር፡ ቡዩ ወኮካን ቀዩሕ ትዋጅሀው። ኮከን ቀዩሕ እብ ሱራፍኤል ተወልዴ አስክ ወሱክ ወቅት 1-0 መሬሕ ውዕል እንዴ ዐለ፡ እት ተለ አርበዕ ደቃይቅ ወሰክ ወቅት፡ ቡዩ እብ ሪጎሌ ሲራክ አማንኤል ጎል እንዴ አተ እሉም 1-1 ተዓደለው።

እብሊ ህዬ ፈሪቅ ቡዩ፡ ምን መጅመባት እብ 20 ንቅጠት አወላይ እንዴ ገኦ ዲበ ተ'ሌ መርሐለት ዲብ ለሐልፍ፡ ኮከን ቀዩሕ እብ 17 ንቅጠት ደርቡ ሀለ።

ሰንበት ንኢሽ ህዬ፡ ቢሻ ወሰላም ተልሀው። እትለ ታክቲክ ውጃህ ለትረኦ ዲበ ትልህዩ፡ ሰላም እብ ዮናስ ገብሬዝጊ ሰልፍ ጎል እንዴ አተው ሕሳል ሚርሐት ተኣልበጠው። ቢሻመ ይሐምቀው፡ እብ አብረሃም ተክሌሀይማኖት (ማኔ) ለዓደለዮም ጎል አተው። እት ካልኦይ ሾት ለወሰከዉ ጎል ሰበት ይዐለ፡ 1-1 ትፈናተው። ፈሪቅ ቢሽ እብ 15 ንቅጠት መጅመባት እት ዋሌ፡ እት ተ'ሌ መርሐለት ሓልፍ ሀለ። ፈሪቅ ዋልታ ህዬ ካልኦይ ሀለ።

እምበልሁመ እት ነፍሱ ለምዕል ጅግራታት ሾሊቦል ጋብእ ዐለ፡ ፈሪቅ ሰዱሕ ዔላ እግል ቡያ 3እብ0፡ ወድራጎን እግል ኮከን ቀዩሕ 3እብ2 ቀልበም።

እብ ኩረት እግር፡ አዋልድመ ትልህያታትን ዋድያት ዐለዩ። እሰልፍ ሰላም ወራሱዱሚረ ትዋጅሀዩ፡ ራሱዱሚረ እብ ሉልዩ ኢሳኩር ለኦቲቱ ጎል፡ 1-0 ተዐወተ። ፍረቅ ዋልታ ወቢሻ እት ወደወ ትልህዩ፡ ዋልታ ሐቀ ዕርፍ እብ ሳብሪን ቴድሮስ ክልኦት ጎል ሰበት አተዩ፡ ወምን ሊድያ ግርማይ ጎል ሰበት ወሰከዩ፡ 3እብ0 ተዐወተ።

እብ ተውሳክ፡ እት ኩረት ሰለት ውላድ፡ ፈሪቅ ዋልታ እግል ፍልፍል 73እብ43 ወሚራስ እግል ድራጎን 68እብ51 ቀልበም።

ፕሪመር ሊግ ዲብ 33ይት ሳምንቱ

ፍረቅ ዱለት እንግሊዝ - ፕሪመር ሊግ ትልህያታቱ ዋዲ አስመነ። እሊ ተሌ ህዬ ፍገሪትለ ትልህያታቱ ቱ።

ብሬንትፎርድ እግል ብራይተን 4-2፡ ማንሲቲ እግል ኤቨርተን 2-0፡ አሰቶን ሺለ እግል ኒውካሰል 4-1፡ አርሰናል እግል ኢፕስዊች 4-0፡ ምልቭስ እግል ማንቸየልትድ 1-0፡ ሊቨርፑል እግል ሌሴስተር 1-0፡



ኖትንግሃም እግል ቶትንግም 2-1፡ ቼልሲ እግል ፋልም 2-1፡ ዲብ ቀልሶ፡ ዌስትሃም ወሳውዛምፕተን 1-1፡ ወክሪስታል ፓላስ ምስል ቦርንግወዝ 0-0 ትፈናተው።

ሰቡረት ፕሪመር ሊግ፡	
1, ሊቨርፑል	= 79 ንቅጠት
2, አርሰናል	= 66 ንቅጠት
3, ኖትንግሃም	= 60 ንቅጠት
4, ኒውካሰል	= 59 ንቅጠት

ላሊጋ ዲብ 32ይት ሳምንቱ

ለድቁብ ፍረቅ ላ ሊጋ ስፕይን፡ እት ሐልፈ ሰነብትመ ትልህያታቱ ዋዲ ዐለ። እትሊ ገሌሁ ፍረቅ ሸመት ከጃል ለትከደን ዲብ ትልህያታት፡ 12 ፈሪቅ ቃልብ ወቅሉብ እት ገብኦ፡ 8 ፈሪቅ ህዬ ተዓደለው።

ኢስፓንዮል እግል ጌታፌ 1-0፡ በርሳ እግል ሴልታቪጎ 4-3፡ ላስ ፓልማስ እግል አትሌቲኮ ማድሪድ 1-0፡ ኦሳሱን እግል ቫላዶይድ 3-2፡ ሮያል ማድሪድ እግል ናዲ አትሌቲክ 1-0፡ ወርያል ቤቲስ እግል ጂሮና 3-1 ቀልበም።

ሴቪሊ ወኣልቭስ 1-1፡ ማሎርካ ወሌጋኔዝ 0-0፡ ቪሊርያል ወርያል ሶሲዳድ 2-2፡ ክምሰልሁመ ራዮ ቫሌካኖ ወቫሌንሽየ 1-1 ተዓደለው።



ሰቡረት ላሊጋ	
1, በርሰሎና	-----73 ንቅጠት
2,ሮያል ማድሪድ	----- 69 ንቅጠት
3,አትሌቲኮ ማድሪድ	...63 ንቅጠት
4, ናዲ አትሌቲክ	----- 57 ንቅጠት
5, ቪሊርያል	----- 52 ንቅጠት

እት ዓደት ቻይን ዓሳ ከትወቀከ መኪነት ወተርጀመት ከቡ ሐዋን ቱ



ቻይንደን እት ዓዳቶም ዓሳ ክም ዕላመት ብዝሒ ወርዝቅ ክም ልትርኤ ልትሸራሕ። እሊ ለጉብኦ እቡ ሰቡብ 'ዓሳ' ለትብል ከሊመት እብ ሂጋ ቻይን 'ተረፍ' አውመ 'ብዝሒ' ክምሰል ትትመሳሰል ለአፍህም። ሰቡት እሊ ዓሳ ክም ዕላመት ርዝቅ፡ ዐማር፡ በክት ሰኔ፡ ወለኢልትከሰሰ ርዝቅ ቱ እት ልብሎ ሸርሕው። እብ ፍንቱይ እት ወክድ ዒድ ሚላድ ናይ ቻይን ዓሳ ክም ዕላመት ርዝቅ እንዴ ወደው ሰቡት ልርእው፡ እተ መናሰበትሉ ዒድ ነብረ ዓሳ አዳለዮት ላዝም ቱ። እሊ ህይ እግለ ህለ እሎም ርዝቅ እግለ ሊዚድ ትምነቶም እግለ ልሸርሐ ለወዱው ቱ።

እምበል እሊማ ቻይንደን ዓሳ እግለ ብላዕ እንዴ ኢጉብኦ፡ እግለ ዕላመት ፈን ግርመት ክም ልትነፍያ እቡ ልትሸራሕ። ተምሳል ዓሳ እት ሰወር፡ አሸካል፡ እት አላት ሸቅል፡እተ ክምሰልሁመ ልባሰ ለአትጋርሞ እቡ። እብ ፍንቱይ ዓሳ (koi fish) ክም ዕላመት ዓውቱ፡ በክት ሰኔ ወነሻጥ እት ልብሎ ተርጁመ።

ጀለቦት ዓሳ እት ቻይን ረዩም ታሪክ ለቡ እት ገብኦ፡ አግደ ምህት ናይ እቅትሳደም ክም ቱ ልትህደግ። እብ አሳሰ እሊ ህይ መብዝሐም መዋጥኒንላ ዐድ መንበረቶም እትሊ ዓሳ እሊ ለተንከበ ቱ። እብሊ ህይ ቻይንደን እግለ ዓሳ ክም አሳሰ ዐቦት፡ ርዝቅ ወፋል ሰኔ ልርእው።

ለብጭን ሕገግ ሕገደደ ለልሰዔ ርዩዱ ሕገግ

ዚዮን ክላርክ ፍንቲት ቅድረት ሂገ ለቡ፡ ኬትባይ ክምሰልሁመ ናይ 20m እብ እደዩ ለልሰዔ ወሰለሰ መረት እት እድንያይ ሰጅል ዐውቱ ብዙሕ ለሰጃለ እናሰ ቱ። እምበል እሊመ እት ፑሽአፕ (pushup) ፍንቱይ መቅደረት ክም ቡ ልትሸራሕ።

ክላርክ እት ሰነት 1997 ለትወለደ እት ገብኦ፡ ልትወለድ እት ህለ ምስክነ ናይ ተሓታይ ክፋል ገርቡ (ምን ሕቀቁ ገጽ ተሐት) ክም ሳደፈትዩ ወደሐ። እሊ ሕማም እሊ እት ርሕም እም



ለዐለ አክልሕድ እግለ ልብጠር ክም ሳዐደቱ ሸራሕ።

ዚዮን ምስል እሙ የዐቡ ኪምበርሊ ለትትብህል እም ክም ወላደ እንዴ ወዴት ክም ዓቤቱ፡ ወህቱመ ክም እሙ ክም ልርእየ ሸርሕ። እሊ ለዓቤቱ እም እት ምስተቅበሉ ለሳዕዱ ብዙሕ ነሳይሕ ክምሀቡ፡ ወእብሊ ህይ ምስክነሁ ምን ዐውቱ ክም ኢክርዑ እንዴ ፈህመ ሓያቱ ክም መርሐ ለአፍህም። እሊ ለዓቤቱ እም ወሀቡቱ እንዴ ፈህመት እት ርደደት እግለ ልጭቀጥ ክም ነስሐቱ ወሀቱመ እብ መትሐሳር ክም ከድመ ወደሐ። መዋመጦር እሊ ህይ ድራሰቱ ምን elementary



ክም ልትረቤ ልትህደግ።

ዚዮን እብ ሰቡብ እሊ ሕማም እሊ እት ሓያቱ ለሳደፈዩ ምስክነ ብዙሕ መሻክል ወመሕለኪት ክም ሓለፈ ሸርሕ። ህቱ እሙ ዐምሳት እት እንተ ለልአትሐዜ መትሓፈዝ ወዴ ክም ይዐለት፡ እሊ በህለት እብ ዚዮን ዓምሳት እት እንተ ለትፈናተ ድራግ ትትነፋዕ ክም ዐለት፡ እሊ ህይ እት ዓፍዮቱ ንቁሰ ክም ከልቃ እሊ ለአፍህም።

ዚዮን ሐቆ እሊ ክልኤ ዐመልዮት ክም ወደ ወለ ዐመልዮት ምነ እተአርድ ጃግሐ



እት ምፍጋር ጸሓይ በንጋል ዐራት ዲብ ዐራብዮት (መኪነት) ለበደለ እናሰ

ዲብ ኢንስታግራም፡ እናሰ ምን ግራ ከፈራት ዐራት ለትመስል ዐራብዮት እብ ምግባይ ሸፋገት እት ሰውገ እት ሻርዕ murshidad ብዝሓም እት ለአትፋገዕ ልትርኤ። እሊ ምህዞ (ሰናዐት) እሊ ለጠውረት ናይ ሰልፍ ሰናዐት እት ህንድ እት ገብኦ፡ እግለ ብዝሓም አትፈከረት።

ገሌ አንፋር እብ ክሰሰ እሊ ምህዞ እሊ ረአዮም እት ሸርሐ ለምህዞ ፍንቱይ ክምቱ፡ ምናተ ሓድሰ እግለ ኢልሳድፍ ክም ለአፈርህ ሸርሐ። ዐራት ለትመስል ዐራብዮት 4 ከፈር ፈራምል፡ መቶር፡ ወብዕድ ክም በ እምበል እሊመ ለዐራብዮት ክሉ ዐራት ለመልኩ ሓጃት ክም ከራ መርተቡት፡ ምላዩት፡ መክደት ምራዮት እብ እንክር እገር ክም በ ልትሸራሕ።



ምን ሰከሰ ሓጀት ደገግ

- ወለፍ
- ክብር
- ቅንኢ

ኸግቤ ሰከሰ ሓጀት ትነፋዕ ኸበን

- ወቅት
- በክት
- ሸበትሸ

ኸብ ሰከሰ ሓጀት ኢትትመካሕ

- ማል
- አምር
- ሒለት

ኸግቤ ሰከሰ ሓጀት ዳኪ

- ዐውቱ
- ክሳር
- ሞት

ኸት ሰከሰ ሓጀት ኢትሸፈግ

- ገለድ
- ሓምዴ
- ሂጋ

ኸግቤ ሰከሰ ሓጀት ኸበተን

- አትዐገቦት
- ሂዶብ
- እምትሓን

መዕሉማት

- እት ህንዴ፡ መክሲኮ pink እት ለሕብረን ታክሲ እብ አንሳት ለልትሰወገ እት ገብኦ አዋልድ አንሳት በሰ ልትጸዕነ ዲብ።
- ቀደም ስኮበን ሐቱ ማዕለቀት ምን መዐር ዶል እነሰኦ፡ ተዐብ ለህውን ምን ደቅጥ ደም ካፈሕ ወእብ ሸዑር ራሐት ክም ንሸር ወዴ እት ከምሰልሁመ ሐለት ለህይብ።